


BULUME BWA LESA

BWAKWALULULA

 Nakusachila, mulongo. [Mulongo Carl William waamba mba, “Kine ke jishuko ja kwikala na Mulongo Branham kwiya bimye byavula ku Phoenix. Naketekela mba wiya ku Phoenix kukila pa mampuzha onse. Kabiji twamukeba mba aye atwajijiletu kwiya, kimye kyonse kyo Mbeni kutanwa kuno, nangwa byonkabyotu. Lesa akupeshe, Mulongo Branham.”—Waku.] Nasata—nakusachila, Mulongo Williams.

Mwabuka byepi lukeelo luno, balunda. Amiwa. . . Akye ke kisemi kya bena Shakarian, Mulongo Williams kabiji ne Nyenga Williams kabiji ne bakwabotu bavula muno bayuka pa kikye. Namwene kyokya mu kimwesho, pepi nobe myaka ibiji nangwa isatu kasa akyangye kukolwa, kabiji kyamwekele.

² Kabiji mwaka wapwa kimye kyo twajinga muno, Naketekela kyajinga mu Kakubokache, pa kimye kya mbung’eno, kyajinga kimye awa pulisiti (Jizhina janji ng’anyi? Nalubamo jizhina janji.) wajinga kuno. [Muntu umo waamba mba, “Stanley.”—Waku.] Stanley, Bishopu Stanley, kufuma ku kipwilo kya Katolika. Anweba mwavuluka byo andetejile Baibolo, mwayukatu, kabiji aye waambile kwi amiwa. . .

Kwajinga bya kwaula byavula, “Mwaanami wamukazhi, obewa wabukwa.”

³ Kabiji wayukile mba akya kimonwa kyaambile mba kechi ukekala bulongo ne. “Wafwainwa kufwa pakachi ka tuu ne fiili koloko mulukeelo kelo.” Vulukai kyokyo? [Muntu umo waamba mba, “Ee.”—Waku.] Nanchi, tuu nangwa fiili koloko.

⁴ Kabiji Amiwa kechi nakonsha kubuula Demos ne. Kabiji nangwa byonkabyo Nabujile bainaji vyala, monka mu kibamba, kukilang’anya bushiya bwa kino kifulo. Naambile mba, “Aye kechi ukekala bulongo ne.”

Mrs. Shakarian waambile mba, “Kyawama, muntu yense ubena kwaula.”

⁵ Naambile mba, “Mambo, Nakonsha kulubankanya, amiwa, bino Amiwa nekyambile. Aye kechi ukekala bulongo ne.”

⁶ Amiwa ne babujile bavula, pepi nobe myaka isatu yapita, “Namumwene kasa abena kunyemena bumi bwanji, kabiji waile pa mwanya. Kabiji wasutwile maboko anji ne kubijika kwi amiwa, byonka bya. Kabiji Amiwa—Amiwa kechi nakonsheshe kufika po aji ne. Kabiji bino Na mumwene wafwa. Kabiji

Nantajile, kabiji pajingapo kintu kimo, apa pajinga koloko, kabiji yaambile mba ke kintu kiji pakachi ka tuu ne fiili koloko.”

⁷ Kabiji nanchi ba bishopu baambile mba, “Kyawama, Amiwa nsakutajishatu ne kumona byo kikafikizhiwa.” Nanchi, byo kyaishile kufikizhiwa.

⁸ Atweba tuji bingi na bulanda. Naketekela mba kipwilo kyataya muntu mukatampe, mwi Nyenga Florence Shakarian. Bino, aye wajinga nyimbi mukatampe bingi, aye wajinga mwanamukazhi wayulwamo-na Mupashi.

⁹ Najinga ne bainanji; bainanji bajinga umo wa mubooba batanshi bonakwatakene Nabo ku Kitulu kya Kumuzhika, bainanji byo babukilwe. Kimye madokotala...Wajinga wapungila, kabiji mubiji yense wavimbile. Kabiji nanchi aye—aye dokotala wajinga konka wambujile, amba, “Pano zhindamaitu zoo pa kimye kyo ubena kulomba. Kuuba kyongo kyabaya ne. Mwanamukazhi ubena kufwa.”

Naambile mba, “Ee, mwane.”

¹⁰ Kabiji aye waambile mba, nanchi, watwajijiletu na nkumbuula. Kabiji, kyawama, Amiwa kechi najingapo na kimye kya kunshikula kanwa kami ne, noobe.

¹¹ Nanchi, kyajinga Mulongo Demos wambujile amba yangatu ukamumone.

¹² Nanchi, Nakajijile peulu. Kabiji Florence wafukamine panshi, wajinga nsongwakazhi mucheche walamba, kabiji ne bakwabo banabakazhi. Kabiji twailemo na kumulombelela, kabiji ne kibuulang’ene. Kabiji wajinga wapungila. Kabiji na mubujile mba ukemana jibiji. Kabiji kyaubiwe kwi aye. Myaka yavula palutwe, wafwile. Kabiji bino Lesa ukumbula milombelo yetu.

¹³ Kabiji twayuka mba, twaketekela mba atweba bonse twaiya kuno kupichila mu kyaswa muchima wakwa Lesa, kabiji ne kufumapo mujishindatu jimo. Umo umo, atweba bonse tukabuka kyokya kimbo. Kabiji oene mambo kyo twaikela muno lukeelo luno, twapwila pamo mululwe Lumvwang’ano lwa bupopweshi lwa Bantu Basulu Benakilishitu, ke kwamba pa bibye bintu, kabiji ne kwitunengezhezha jimo, mambo twayuka mba kine bikeya.

¹⁴ Bino Nyenga Florence ke mwanamukazhi mwanyike, wa myaka foote-tuu, Mulongo Williams wambujile kyokyo, kabiji mwanyike bingi. Bino kasa bakyangye...aye wayukile mba uji na kikye kikola, kika, Namwene kimwesho kyanji, kabiji ba mbujile byo kikekala. Nanchi, kyakonsha kwikala...Lesa wayuka byonse pa kikye, kabiji ne byo amwene Yesu mu kibamba kasa akyangye kuya ne. Atweba kechi tubena kukeba kumulombelela ne, mambo twauba kyokyo bimye byavula. Tubena kukeba kusachila Lesa pa bumi bwajinga mukachi

ketu, abo bwituntundaikile atweba bonse, biji nobe Nyenga Shakarian.

¹⁵ Kabiji tubena kukeba kulombelela Mulongo Demos, Nyenga Rose. Kabiji vulukai, bajinga na lwabaya bingi lukatazho mu bumi bwabo, mu kimye kya kumpelo...ke bashanji, kabiji ne nyenga yanji pano mu yanji...myaka yapeleleko. [Muntu umo waamba kwi Mulongo Branham—Waku.] Bino, kabiji, ee, bacheche kufika ku...bacheche, bang'ondo teni; kabiji Nyenga—Nyenga Edna, ne aye.

¹⁶ Nanchi, Nayuka mwakumweshesha lusa na Mulongo Demos. Najinga ne bataata, mulongo, bakazhi, ne mwaana, kuya mu mobatu acheche apichilengapo, nanchi Na—Nayuka byo abena kumvwa lukeelo luno. Wakonsha kuyukatu kana waimanamo mu oa masapato, popo wafwainwa kuyuka mwakumweshesha lusa. Kabiji...

¹⁷ [Abya bing'amba ng'amba bya PA byauba kyongyo—Waku.] Amiwa na kuuba kyokyo amiwa mwine. Ndekelaiko mambo. Naji kwimba king'amba ng'amba kicheche patu pamo papo, na kuboko kwami. Nanchi Amiwa—Amiwa ndekelaiko mambo Najikwikilengela kuuba kyongo kyabaya, kabiji kechi kwikyubilamotu ne.

¹⁸ Nanchi twayai twimaneko kimye kicheche kyo...inge mwakonsha, inge kiji...Twayai tukunyiike mitwe yetu.

¹⁹ Taata Wamwiulu, twapwila pamo lukeelo luno mu kwimupopwela Anweba, kabiji ne kupaana kwi Anweba lusachilo ne lutakaiko, mambo a kutuma Yesu Mukuzhi wetu, amba twikale na luketekelo pakupita buno bumi, byo twamona mba kechi kyayukanyikwa byo twikala pano bimye byonse ne. Kabiji, Taata, pakumona misango yatama ya kwikelamo ya ino mibiji, tuji bingi na lusekelo kechi twafwainwa kwikala kuno kimye kyonse ne. Anweba mwalenga jishinda ja kunyemenamo, kupita mu kipachiko kya lufu.

²⁰ Kabiji, Taata, twasata kwi Anweba lukeelo luno, pa bumi bwa umo waimene ne atweba, pepi nobe mushi ya mwaka umo wapita, na kwimba lutotelo Lwenu, Nyenga Florence Shakarian, nobe byo twamuyukile. Kabiji Anweba mwitubujile kunyuma kasa kikyanye ne, nobe myaka, amba kye kikamweka, kyakuuba mba kechi kyakonsha kwikala kya kukunya kwabaya kwi atweba ne. Kabiji twayuka mba kyo Mwaamba kya kine. Kabiji pano Kyambo Kyenu kyaamba mba, “Muntu wasemwa ku mwanamukazhi, ye wa moba acheche ne ao o a makatazho.” Twayuka mba akyo kine, ne akyo, Nkambo. Twayuka mba atweba bonse twafwainwa kwiya kupita mushi ya kyokya kipachiko. Nanchi twimusachila Anweba pa bumi bwanji bwajinga panopantanda. Kabiji twaketekela ku lwitabilo, amba pano, lukeelo luno, wapitaila kufuma mu ino nzubo ya bilongolo, ne kuya mu mubiji wa lukumo ubula kukolwa. Kabiji ne mataleta

anji a kwimba, kabiji ne jiji jo ajinga nanjo, kabiji mupashi wanji wajinga wayulwamo bupe bwavula bingi mwi Kilishitu! Amba inge wakonsha kubwela lukeelo luno, kechi wakonsha kwikyuba mu jishinda jiji jonse ne; aye wafwainwa kupita mu byonse bye jibiji. Akyo, pano kyapwa, aye uji ne bashanji ne bainanji. Baichile mwaanabo ku muzhi. Nanchi, atweba— atweba twimusachila Anweba.

²¹ Kabiji tubena kukeba kulombelela lutekenesho, mambo a Mulongo wetu Shakarian, mutemwe wetu mulongo watemwikwa, byo twayuka mba—abwa bumi bo ajinga nabo, kabiji ne kumanyikwa nkoabena kupitamo mu ano moba apelako, kabiji ne byo aji; ne kumumona kasa abena kukoma, kabiji ne suki yanji ibena kufumamo, kabiji ne mapuzhi anji atapa kususuluka, kabiji nangwa byonkabyo ubena kweseka kwikala mu mwingilo wa Lesa. Lesa, mupai bulume leelo. Twalomba, Lesa, amba Anweba musakwikiswisha. Ku bonse banji na bulanda na mambo akuya kwanji, twibalombelela pa muntu pa muntu.

²² Kabiji twayai, Nkambo, byo tubena kulanguluka pa kikye, vulukai amba ne atweba twafwainwa kuya juba jimo. Kimye kyo twaikala pamo mu Kyeenyi kya Nkambo Yesu, twaipuzha namba Anweba mubwezhe kikye mu milanguluko yentu. Kabiji twayai tumone, byonka byo kyajinga, nangwa kupitulukamo mu bumi bwetu bonse, amba twikale mushi ya Mashi kabiji ne mu Lwitabilo. Kiswishai kye, Nkambo.

²³ Pano byo Mbeni kweseka kupita mu bibye bintu bimo mbeni kuletako mbila icheche ku bantu, leelo, Nalomba mba Anweba musa kunkwasha, Nkambo. Konseshai, mambo Ne—Ne—Nekikeba, Nkambo. Kabiji Nalomba mba Anweba musakwikiswisha. Kabiji lekai kintu kimo kyambiwe akyo kyakonsha kupana munema Anweba. Kabiji umvwe pajipo umo uji mushi ya jiji jetu lukeelo luno, ao wabula kwingenegzha kukumanya kimye kibena kwiya palutwe yabo, lekai kikye kikale kimye kyo bakonsha kwipana kwi Aye Waambile mba, “Amiwa ne Jishinda, Bumi, ne Bukine,” ye Nkambo yetu Yesu Kilishitu. Mambo twikipuzha mu Jizhina Janji. Amena. (Anweba ikalaiko.)

²⁴ [Muntu umo pa pulatifomu waamba kwi Mulongo Branham—Waku.] Mulongo kuno ubena kukeba kuyuka kana muntu yense wakonsha kumvwatu bulongo. Uji na byakwambilamo bibiji. Akyo kijitu bulongo nyi? Mwakonsha kung’umvwa nyi? Sutulaiko maboko enu inge mwakonsha. Mwakonsha kumvwa nyi? Sutulaiko maboko enu. Kijitu bulongo.

²⁵ Mundekeleko mambo kechi tuji na pabaya pakwikala muntu yense lukeelo luno ne. Kabiji twaketekela mba Amiwa kechi nakonsha kwikala kuno kimye kyabaya ne, kimye kyaitabilwa

kyakutangilamo Kyambo; kya kuuba mba Nkambo Lesa usa kupesha Kyambo Kyanji kibena kutangwa, kabiji usa kwitupa lusa Lwanji, pakuuba mba Aye tumwingijile nabyo.

²⁶ Bino Najikubuulwa kwi Billy Paul, lukeelo luno, amba kyafwainwa kukonsheka kwamba pa Mulungu ubena kwiya pa Grantway Assembly of God, ku Tucson. Inge pajipo umo muno wafuma ku Tucson, Amiwa kape kechi nakonsha kwimumona uno mulungu ne. Amiwa kekala ku Grantway Assembly of God, Pamulungu ubena kwiya.

²⁷ Pano nanchi twafumatu kokwa ku Musela, kabiji Naubile nobe nekozha amiwa mwine pacheche, na kuja kwakukila pa kipimo, na mambo a lusa lwa bantu lwabaisha momwa mu mitumba. Kabiji—kabiji Najinga wakolwa, nanchi Amiwa kechi na umvwa bulongo uno mulungu ne. Nanchi, anweba ndombeshaipo. Kabiji. . .

²⁸ [Muntu umo waamba mba, “Kyakilamotu opussamu.”—Waku.] Mwaamba mbaka? [“Kyakilamotu opussamu.”] Mulongo Carl Williamas na musango wani wakusekesha, kabiji Nalanguluka mba twamukeba awa musango ponkapano, aye waambile mba, “Kyakilamotu opussamu.” Amiwa kechi nayuka pa kyokyo ne, Mulongo Carl, bino kanatu bavula baluyeye.

²⁹ Nanchi mubena kukeba kulombelela muntu umo lukeelo luno, kika, Amiwa—Amiwa kine nasata inge kyakonsha kwikala mulombelo wenu wakundombelela, mambo Amiwa—Amiwa na mukabila.

Pano twasaka kuya bukiji bukiji mu Kyambo.

³⁰ Kabiji Amiwa kechi nakeba kwimulama kimye kyabaya muno ne, mambo Nalanguluka mba kuji kunungakana-pafoni mwaya kyaalo, pa luno lukeelo, kyayatu kufika ne ku Kitulu kya Kumuzhika kufika ne ku Kitulu kya Kumusela, kufuma ku Kabeta kabuyeke ne Kabeta kabulenge. Avula, avula mabumba baji nalulwe lunengezho nobe byonka byomwajinga kuno ku tabbanako. Kabiji kyanungakana ne ku Phoenix, konsetu kuji pwijilo, kyafikatu ne ku. . . Kabiji babena kubungakana mu bipwilo ne mu manzubo, kabiji ne bintu bya yekawa musango, kupichila mu kunungakana kwawama bingi. Baamba mba kyawama kukila ne pa waileshi. Ke kunungakana-kwa mafoni, babikako kyakutambwilako nangwa maikolo foni, nangwa byonse byo kiji, mu kibamba. Kabiji abo. . . Mukazhi wami waambile mba, pakufuma ku Indiana mulungu wapwa, kuya ku Tucson, kyajingatu pamo nobe kwimana mu kibamba. Nanchi twalomba mba Lesa usa kupesha bonse baji mu mulaini lukeelo luno, konse ko baji. Akwa ku New York kusakwikala ke, oo, mabaanga, kabiji ne bimye byapusanapusanana pa kukilang’anya kyaaalo.

31 Pano monka mu Buuku wa bena Loma, kyapitala kya bu 12, kabiji ne maveeshi abu 1 ne 2, twasaka—twasaka kutanga kikye Kinembelo.

Onkao mambo nemusashijila, balongo, mwaila bya lusa lwa Lesa, namba mulambule mibiji yenu ke kitapisho kyumi, kyazhila, kyaitabilwa kwi Lesa, ko kunemeka Lesa kwenu kwa mu muchima.

Kabiji kechi mwipashang'anyenga na ba panopantanda ne: poso mwalulukenga ke bangi na kusangululwa kwa michima yenu, namba mukayukenga akya kyawama, ne kyalumbuluka... kyawama, kyaitabilwa, ne kyalumbuluka, kyaswa muchima wa Lesa.

32 Pano, inge Nkambo waswa, Nasaka kusenda mutwe wami lukeelo luno, pa: *Bulume Bwa Lesa Bwakwalulula.*

Kabiji kechi mwipashang'anyenga na ba panopantanda ne: poso...mwalulukenga na kusangululwa kwa michima yenu, pano, namba mukayukenga akya kyawama, ne kyalumbuluka, ne kyaitabilwa, kyaswa muchima wa Lesa.

33 Ke kibaba kyakala kyayukanyikwa bingi akyo anweba bavula bakafunga kyo mwaingijisha mu bimye byenu. Kingijishiwa kufumatu kimye po Kyanembelwe. Bino nangwa byonkabyo, kintu kimo pa Kyambo kya Lesa, Kechi kikota ne, mambo Ke Lesa. Kechi kikota ne. Kupita mu kisemi kyonse, pepi nobe, myaka pepi nobe tweti-eiti aduleendi, nangwa kukilapo, akye Kyambo kya Lesa kyangwa na bantu, mapulisiti, kabiji ne bakwobotu, kabiji kechi Kikota ne. Amiwa ne Kitanga, amiwa mwine, pa myaka sate-faivi. Kabiji kimye kyonse Amiwa kyo Nekitanga, Ntanamo kintu kimo kipya kimweka nobe Nekimona kimye kitanshi. Mambo, Kyatundaikwa, Ke Lesa mu musango wa kalata. Monai, Ke milanguluko yakwa Lesa ibena kwamba, kabiji ne kubikwa pa kipepala.

34 Bimye byavula, muntu waamba mba, “Kyawama, pano, muntu wanembele yuwe Baibolo.” Ine. Aye Baibolo waamba mba, Ayemwine, amba Lesa wanembele Baibolo. Ke Kyambo kya Lesa.

35 Kabiji Kechi kikankalwa ne. Yesu waambile mba, “Meulu ne ntanda bikankalwa, bikapita, pakuuba Byambo Byami kechi bikankalwa ne.” Kabiji kechi Kyakonsha kukankalwa ne, kabiji byo aji Lesa, mambo Ke lubaji Lwanji.

36 Kabiji pano obewa byo uji mwaana Wanji wamulume ne mwaana wamukazhi, obewa wi lubaji Lwanji, kabiji akyo kikulengela obewa kwikala lubaji Lwanji. Nanchi oene mambo kyo twishela pamo muluwwang'ano lwa bupopweshi ku Kyambo kya Lesa.

37 Pano akye kyambo kya *kwaluluka*, Nantajile mu buuku ulumbulula byambo, keesha. Kimye, Najingatu pepi walubilamo na kimye kyo Nafwainwa kwikala kuno, kimye kyo Nakebelenga kibaaba, kabiji Nataine kikye kyambo, nangwa mba yuwe mutwe, byonkabyo, Kinembelo. Kabiji mu buuku ulumbulula byambo waamba mba ke “kintu kimo kyapipulwa.” Kyafwainwa kwikala “kyaalululwa.” *Kwaluluka*, “kulengwa mu musango ungi kufuma muyewa ye ajingamo, kyaikala. . . byubilo byakyo ne byonsetu byapipulwa,” *kwalululwa*.

38 Kabiji Nakulanguluka lukeelo luno, mu Ntendekelo 1. Ino ntanda yajinga yavulang’ana, kabiji yajinga yatuntu, kabiji mfishi yajinga pano pantanda; kafwako nangwa kimo ne kanatu kivundakanya kyapwijijika. Kabiji inontanda byo yajinga muyeo musango, Mupashi wa Lesa waendelenga peulu ya meema, kabiji kipikichala kyonse kyapipwilwe; kufuma mu kivundakanya, kuya mu bujimi bwa Edena. Abo bo bulume bwa Lesa bwakwalulula, abo bwakonsha kutola kintu kimo kyabulamo nangwa kintu kabiji ne kulengamo kyawama mwi akyo. Lesa bulume bwanji bwakwalulula!

39 Kabiji twayuka kyokyo, kupichila mu kutanga Binembelo, amba Lesa wajinga sikisi—myaka sikisi sauzande ya kunengezha yuwe Edena. Bino, Aye kape kechi wabajile kimye kyabaya byobyoye ne; bino ke kufwanyikizhatu, kabiji ne kwikifumya pa Kinembelo po Kyaamba mba “juba kwi Lesa, ke myaka sauzande umo pantanda,” ko kuuba mba, inge Lesa wakonsha kubala kimye. Kabiji waamba mba yajinga myaka sikisi sauzande Aye yo alengelenga ntanda, kabiji Aye wabyaajile pa ntanda kunwa yonse yawama. Kwajinga bintu byonse byalumbuluka.

40 Nalanguluka mba, bimye byavula, ne abo bakajimbulushi inge batatula kutanga Buuku wa Ntendekelo, batatula ku Mulengulula, mambo kimweka nobe kimye kyonse Wibwezhapo Aye mwine, inge ne ukutaya kukwe ne kokwa.

41 Bino inge twakonsha kumona pa kakimye kacheche, kasa tukyangye kufika mukishina kyetu ne, amba, Mosesa wamwene kimwesho. Kabiji Lesa waambile kwi aye. Lesa waambile kwi Mosesa kilungi ne kilungi, kyatunwa na kutwi. Bino, Aye kechi waambilepo ku muntu mukwabo muyewa musango ne, byonka byo Aubile kwi Mosesa ne. Bino, Mosesa wajinga mukatampe, umo mukatampe wa pa bangauzhi bonse. Aye wajinga kipasha kya Kilishitu. Kabiji ne pano Lesa wakonsha kwamba, Aye uji na jiwi. Jumvanyika. Lesa wakonsha kwamba.

42 Kabiji Lesa wakonsha kunemba. Lesa wanembele Mizhilo jikumi na munwe Wanji Mwine. Aye wanembele pa bibumba bya—bya Babilona jimo, na munwe Wanji. Aye waimene ne kunemba mu kimye kimo, na munwe Wanji. Lesa wakonsha kwamba. Lesa wakonsha kutanga. Lesa wakonsha kunemba.

43 Lesa yo Nsulo ya lusa lonse ne Bulume, kabiji ne maana onse a Bulesa, biji mwi Lesa. Nanchi onkao mambo, byo nayuka mba, Aye ye yenka Mulenga ujikotu bunke. Kechi kujipo mulenga mukwabo ne kanatu Lesa. Satana kuuba walenga ne, nangwa pacheche ne, aye uzhalululatu bya lengwa. Bino Lesa ye yenkatu Mulenga.

44 Onkao mambo, Aye walengele na Kyambo Kyanji. Aye watumine Kyambo Kyanji. Nanchi kunwa yonse Yo abikile pantanda, Aye walengele iye kunwa kupichila mu Kyambo Kyanji Ayemwine, mambo kechi kwajingapo kintu kikwabo kya kulengelako lukunwa ne. Aye wiyibikile, kabiji yajinga panshi ya meema. Aye waambiletu mba, “Lekai kwikale *kikye*, kabiji lekai kokwa kwikale *kyokya*.”

45 Pano twatana kuuba mba, bimye byavula, kyamweka nobe Baibolo ubena kupitulukamo nangwa kwambapo kintu kimo kyo Kyabula kwamba ne. Nobe kyakumwenako, mu Ntendekelo 1 twatana kuuba mba, “Lesa walengele muntu mu kipasha Kyanji Mwine, monka mu kipasha kya Lesa Aye momo ebalengejile; mwanamulume ne mwanamukazhi momo Ebalengejile.” Kabiji pano Aye watwajijila kuya kulutwe, ne bintu byavula bya ubiwe panopantanda.

46 Nanchi twatana kuuba mba, kechi kwajingapo muntu wakujima mushiji ne. “Nanchi Lesa walengele muntu kufuma ku lukungu lwa panshi.” Awa wajinga muntu wapusanako. “Kabiji Aye wapemenemo mupashi wa bumi mwi aye, kabiji waikele ke mweo uji na bumi.”

47 Muntu mutanshi wajinga mu kipasha kya Lesa, ao ye Mupashi. Yoano 4, waamba mba, “Lesa ye Mupashi, kabiji ne boba ba mupopwela Aye bafwainwa kumupopwela Aye mu Mupashi ne mu Bukine.” Bino Lesa ye Mupashi. Kabiji muntu mutanshi, awa Ye alengele, wajinga muntu-wa bu mupashi, kabiji wajinga mu kipasha kabiji ne mu kipasha kya Lesa.

48 Kabiji pano Wabikile awe muntu mu mubiji, ne muntu waponene. Nanchi Lesa waishile waikala mu kipasha kya muntu, pakuuba mba Aye akule awa muntu waponi. Ajo jo jishimikila ja Mamboawama, mwaila—mwaila milanguluko yami.

49 Bino, Lesa, mu myaka sikisi sauzande, wabyajile yonseye kunwa yawama, nangwa Aye waambile Kyambo Kyanji. “Kikekala *mujje* jishinda. *Akye* kichi byo kikekala. *Akye* kikekala.” Bintu byonse byajinga byalumbuluka. Byajingatu byawama. Kabiji Aye wakambizhe yonse ya kunwa mba yafwainwa, kwaluluka ayo ine mu bukijimwa monka mwayila musango wa bumi Kyambo kya Lesa byo kyaambile mba byo kikekala. Inge kyajinga kichi kya maoka, kyafwainwa kuleta kya maoka. Inge kyajinga kya bisonga, kyafwainwa kuleta kya bisonga.

⁵⁰ Mambo, Mulenga mukatampe watuminetu Kyambo Kyanji, kabiji Kyambo lukunwa kyaikeleko mwine lukunwa kasa akyangye kulengwa ne. Kabiji akya Kyambo kyalengele lukunwa. Monai, “Aye walengele ntanda kufuma mu bintu bibula kumweka.” Mwamona, Aye—Aye walengele ntanda na Kyambo Kyanji. Lesa wi byambile bintu byonse mba bikaleko.

⁵¹ Kabiji byo aji Lesa, ye Mulenga, waambile bintu byonse mba bikaleko, yafwaijilwe kwikala ntanda yalumbuluka. Pajinga pa—pa kifulo kyawama. Wajinga—wajinga palandaisi wakishika panopantanda.

⁵² Pano, nobe, kifulo kyonse kyafwainwa kwikala na maofweshi akatampe kuntu kumo. Aye mbung’eno iji na maofweshi akatampe, kabiji kikye kyapitala kiji na maofweshi akatampe, kabiji kipwilo kiji na maofweshi akatampe. Kabiji Lesa uji na endikota. Kabiji nanchi ne iye mpuzha ikatampe, kyaalo kyo twikalamo, kiji na maofweshi akatampe. Kabiji nanchi ne yuwe Edena mukatampe wajinga na maofweshi akatampe, kabiji ne maofweshi akatampe atangijilwengamonka mu bujimi bwa Edena, nangwa mu Edena, ku musela kwa bujimi.

⁵³ Kabiji Lesa wabikile pa kikye, wakutangijila bilengwa Byanji byonse pano pantanda, mwaana Wanji ne musongwa Wanji, Adama ne Eva.

⁵⁴ Lesa wajinga Shanji Adama. “Adama wajinga...aye mwaana Lesa,” mwaila Binembelo. Aye wajinga mwaana wakwa Lesa.

⁵⁵ Kabiji Lesa wamulengejile kwansho wamufwainwa, kufumatu mu mubiji wanji; kapepo lubavu umo kufuma ku muchima wanji, pakuuba mba wakonsha kwikala pepi ne aye, kabiji wamulengejile kwansho wamufwainwa. Bino kechi wakijinga mukazhi wanji ne, bino aye kechi wakijinga muntu ne; Aye wa mwambiletu. Kabiji apo ipo lukatazho po lwamwekele, Satana wamutaine Adama kasa akyangye. Nanchi, kyajingatu Kyambo Kyanji kyo Akyambile.

⁵⁶ Naamba kyokyo, kechi Mbena kukeba kutaya kimye kyabaya pa kikye ne. Bino anweba bamo mwafwainwa kuvundang’anako, kukijishamo bantu bamo bakokwa—ku Kabeta kabulenge, kimweka nobe kibavundakanya, pa Mbila Yonji nayo kufuma kwi Lesa leelo, kuya ku bantu, ya pa lukunwa wa muloolo. Kabiji Amiwa kaya ku nzubo, inge Nkambo waswa, juba jimo jibena kwiya, ku Jeffersonville. Mbena kukeba mbila iji pepi nobe ya maawala-sikisi, ne kololapo pakyokyo, monai, pakuuba mba kikabikwe mu musango umo wakuuba mba mukayuke kyo tubena kwambapo. Kabiji ke ABYO BYOBYAAMBA AYE NKAMBO. Kijitu kya bukine nobe byonka byokyajinga byo Namwene Nyenga yetu Florence kasa akyangye kuya ne, pa

myaka yavula. Monai, Ke Bukine. Kabiji pano, atweba. . . kape bantu kechi bekikwatakanya bulongo ne.

⁵⁷ Inge muntu umo wakonsha kwiya kwi amiwa, na kintu kimo kyapusanako, Nakonsha kubula kwikikwatakanya, amiwa mwine. Amiwa kechi nakeba kujimbulula byamba muntu mukwabo ne. Kechi twafwainwa kwijimbulula umo ne mukwabo ne. Amiwa kechi nazhatwa mambo a kuuba kyokyo ne; Nasachila Nkambo. Amiwa najimbulula bubi ne kubula luketekelo; bino kafwako muntu nangwa umo ne, monai, Ami—Ami kechi nekyuba ne. Atweba—atweba twi balongo ne banyenga, babena kwesekesha, kuya ako Nyenga Florence ko ayile keesha lukeelo, mwamona. Aye. . . Atweba—atweba bonse twafwainwa kuya mujoja jishinda. Kabiji kechi kyo kyami kya—kyakweseka kujimbulula mulongo nangwa nyenga wabula kwitabazhanya ne obewa ne. Ine, kikale kwalepa ne amiwa kuuba kyokyo! Amiwa kechi nalanguluka mba mwatanapo tepu ye Natelapo muntu umo pa jizhina ne. Akyo, Nekomvwa bimye byavula amba awa muntu uji mukilubo, bino akyo kiji pakachi kabo ne Lesa. Bino kika kyatama, mu jishinda ja bubi ne. . . Kabiji kubula kukwatakanya kimye kimo kechi bubi ne, ke kubulatu kukwatakanya bantu. Kabiji Na—Nalanguluka mba umo mwi atweba uji nasambu ya kwamba atweba bene monka mwaila kukwatakanya kwetu.

⁵⁸ Pano awe Mulenga mukatampe wabikile mwaana Wanji. Bino, Adama wajinga mwaana Wanji mutanshi kulengwa. Yesu wajinga Yenka wa umo *wasemwa* Mwaanaji, mwamona, Aye wasemenwe ku mwanamukazhi. Bino Adama wajingatatu wafuma ku kuboko kwa Lesa, mu kulengwa.

⁵⁹ Pano maofweshi akatampe, na Wanji—Wanji mwaana ne musongwa wa mwanaji uji pa byonse, wamwekelenga kulumbuluka bingi. Awa wajinga—mwanamulume, ye mutwe wa byonse, Yenka Wanji mwaana ne musongwa.

⁶⁰ Kabiji lukunwa yense wajinga walumbuluka, kisonga, ne maoka, ne nsono, ne bang’onyi, kabiji ne banyama. Kabiji bintu byonse byajingatatu mundonda na Mikambizho yakwa Lesa, “Kechi upipule kitemwa kyobe ne. Ukasemunna mu musango wakyo, lukunwa yense! Maoka, kechi wafwainwa kwalulwilwa mu kichi kya poopoo ne.” Mwamona? “Kisonga, kechi obewa wialwile mu kintu kikwabo ne. Pakuuba lukunwa yense mwaila musango wanji!” Kabiji Aye wajinga—Aye wi kimwene monka mwaila bimye.

⁶¹ Kabiji Aye waambile Kyambo. Kabiji Bulume Bwanji bukatampe bwakulenga bwalengele bibye bintu byamwekele, kabiji kubikapotu mwanamulume ne mwanamukazhi. Kabiji abo bajinga bamutwe mambo bajinga ba. . . bajinga kisemi kyakila pa byonse bikwabo. Kabiji Wibabikile ne abo mu bukalama bwa kintu kimo kyonka Aye kyo abikilemo bichi,

banyama, ne bikwobotu: Kyambo Kyanji. Abo kechi bafwainwa, nangwa pachechetu, kulala kyokya Kyambo ne. Bafwainwa kwikala Monka mwa. “Kechi mufumyeko kintu nangwa kimo kwi Akyo ne, nangwa kubikapo kintu kiji kyonse kwi Akyo ne! Obewa wafwainwa kwikela konka ku kikyeye Kyambo.”

⁶² Kabiji kikulutu abya bilengwa inge byaikele muyewa musango, Nyenga Shakarian kechi wajikufwainwa kuya lukeelo luno ne, kikulutu inge byaikele byonkabya, mu bukomo bukatampe bwa Lesa! Byo twaketekela mba iko ko tubena kubwela. Atweba tubena kubwela jibiji popa pantu, akya kifulo.

⁶³ Kwepi alwa lukeelo lwa bu sebeni, Lesa byo atajile pa byonse, kabiji Waambile mba, “Ke kyawama. Amiwa—Amiwa njina lusekelo pa kikyeye. Ee, Amiwa—Amiwa—Amiwa nji na lusekelo Ne kyubile. Kabiji byonse biji mundonda. Kabiji Amiwa nabika luketekelo mu mwaana Wami ne bakazhi banji, amba—mba abo bakonsha (kwibalenga baikala ba mutwe pa byonse), kabiji bakekala na bukulumpe bwa kutala pa byonse ne kumona mba bijitu bulongo, kabiji amba bintu byonse bikasemununa monka mwaila mutundu wabyo. Pano aye uji na bulume bwakuuba kyokyo.” Lesa pano waambile mba, “Kyawama, inge byonse byawama bingi, kabiji kechi kyakonsha kwikala kintu kingi ne, mambo ke nkebelo Yami Amiwa mwine. Ke jishinda jo Mbena kwikikebelamo. Kabiji Amiwa ne kyamba muyewa musango, kabiji Byambo Byami bikyuba monka mo Nakebejilenga. Kabiji abyo byokiji. Bijitu bulongo!” Nanchi Baibolo waamba mba, “Lesa wakokolokele pa juba ja butanu na bubiji, ku mingilo Yanji yonse.”

⁶⁴ Kabiji bintu byonse biji mu luusa, pa kuuba mba bilete monka mwaila mutundu wabyo. Pano vulukai, “kuleta.” Kimye Aye kyo abikile lukunwa pantanda, lukunwa wakonshatu kwiya na bulume bwa bumi buji mukachi kanji, pakuuba mba alululwe kufuma ku lukunwa kuya ku kijimwa, nangwa musango yense ye kyajingamo. Bwanji bulume bwakwalula bintu! Bino, Lesa wabikilemo lukunwa momwa, na bulume bwa kwikilenga kwikala monka mo Aambijile mba byo kikekala. Kabiji kikulutu kyaikala monka mu mutundu wakyo, kyafwainwa kwikalatu monka Lesa mo aambijile mba byo kikekala. Kyafwainwa kwikala muyewa musango, mambo Aye wikilengele muyewa musango, ne kulenga jishinda. Kyakuuba mba, kyonse kikala mu jishinda Janji, mu jishinda Janji ja Kyambo, kyafwainwa kuleta monka mwaila Kyambo Kyanji byo kyaambile mba byo kikobiwa. Kechi kyakonsha kufuma momone. Kyabikwa mu jishinda jiji bulongotu. Nanchi, na bintu byonse byo byabikwa muluketekelo lwa mwaana Wanji Mwine, amba kikekala muyewa musango, nanchi Lesa waambile mba, “Byonse bijitu bulongo, nanchi Amiwa nsakukokoloka. Kabiji yonse ya kunwa iji na bulume mwi ayo yine, pakuuba mba kyalulukile mu mutundu mo Nakebela mba kikelemo. Abo byo kyafwainwa

kwikala, mambo Napana ku lukunwa yense bulume bwa kwaluluka, pa kwilenga aye mwine, mu bulume bwaji amba ekale monka mo Namukebela mba ekajilemo.”

⁶⁵ Lesa kechi wakingya ne. Byonka byo Aji leelo Aye byobyoby ajinga ne kunyuma! Lesa wafukula kubapo kintu kimo. Aye ukekyuba. Kafwako nangwa kimo kyakonsha kumukanya Aye ne. Aye ukekyuba!

⁶⁶ Pano panyuma yakwikala bulongo ne kwikajikwa mundonda, Lesa wajinga naluketekelo amba abye bikekalatu bulongo, kabiji pano, Aye byo aubile, nanchi waishile mu mulwanyi. Amiwa mbena ku... Lesa wapaine bulumu bwa kwalulula. Kabiji Amiwa nsakutela yuwe muntu, na bulume bwakubula ku—kulenga jibiji ne, bino Amiwa... Aye wajinga na bulume bwakwikitamisha, kechi kwalulula ne; pakuuba bwakwikitamisha. Pano, kintu kyonse kyatamishiwa nishi kyafumishiwa mu musango wakyo mutanshi, pajipo kintu kimo kyatama na kikyeye.

⁶⁷ Myaka imo yapita, pa bukung'enda, na kupitang'ana mu majimi a mataba, Nakonsha kulanguluka pakikyeye, kwajinga musapi umo watebukileko ku kichi, kabiji waponejile pa kinenge kya jitaba. Kabiji akya kinenge kya esekeshenga kuuba mba kyoloke byonka byokyafwainwa kwikala, bino kyatamine mambo akuuba mba kintu kimo kyaubiwe. Kabiji awa musapi wikifyachile.

⁶⁸ Nanchi tutana mukolobozhi wipombapomba mu bujimi. Kyakuba mba, anweba banabalume muno, kabiji kape anweba bamo banabakazhi... inge mwaiya kufuma ku Kentucky. Banabakazhi bengijisha lukasu pamotu ne mwanamulume, walupuka mu bujimi na—na lukasu, tutela yewa lukasu wakala mba kambwili, ne kuchibaula—mikolobozhi. Mambo, inge mwabula kuchibaula aya mikolobozhi ne, amwa mataba moaji mu mulaini, nobe *bibye*, nanchi awa mukolobozhi utandabala wafika, wakwata aja jitaba, kabiji wipomba aye mwine bitendebitende, kwakubula lukatazho ne, na bujumuku, kyakuuba mba kechi wakonsha kuyuka mba kibena kukupomba ne. Kabiji palutwe kikala kibena kuya na kukosa, kabiji undoonsa aja jitaba poso jakokomana. Kiikoka akyo kine, kipomba ku musapi wakyo akyo kine; kwijikokomeka kufuma mu musango ye jajingamo, ne kuya mu kintu kingi. Nangwa byonkabyo jitaba, bino jitaba jakokomana.

⁶⁹ Kabiji atweba bonse tukiji mu kipasha kya Lesa. Bino bamo baji bingi na bulema, nobe baana bakwa Lesa, aba babula kwendela mwaya Kyambo Kyanji kabiji ne mujishinda mo—mo etunengezhezha atweba kwendelamo. Kwikajika kintu kimo, akyo ntanda itupomba kuya mujishinda jingi, kwitundosela kwipi kwi akyo, kabiji ne kwitufumya ku jishinda jaoloka, jicheche ajo Aye jo etubayajilemo, kwikala baana babalume ne

babakazhi bakwa Lesa. Bubi bwauba kikye kintu kyatama ku baana babalume ne babakazhi bakwa Lesa.

⁷⁰ Awa uleta bulema! Nayuka mba akye kyamweka nobe kyenye kwikyambila mu yuwe musango, “ku—kulemeka,” bino abyo bya ajinga; aye walemekele, nangwa kutwala mungi. *Kutwala mungi* kyalumbulula mba “kwalulwa, kulengwa kintu kyapusanako.” Kabiji *kulemeka* kyo kintutu kimo, ke kyokya kyaletwa ne kulemeka, kabiji “kulengwa mujishinda jikwabo.” Nangwa byonkabyo ukijitu lukunwa umo, bino kasa alemekwa.

⁷¹ Bino twataana kuba mba awe ulemeka naye wajinga na kimye kimo, kya kulemeka, nobe Lesa kyo ajinga nakyo pa kwalululwa. Pano aye wabyaajile lukunwa waji, nangwa, kechi wabyaajile lukunwa waji ne, aye. . . mu bujimi bwa Edena. Kufumatu pakyokya kimye, wajinga na myaka sikisi sauzande yakulemeka Lukunwa wakwa Lesa, kyo Kyambo kya Lesa; pa Kwikilemeka, Kwikilenga kyaikala kintu kyapusanako; kimye aye. . . kimye kitanshi Eva po atelekele kwi aye, ne kutolapo ayemwine mukuku wa byambo muchechetu.

⁷² Vulukai, patanshi Satana waambwile Kinembelo patokatu nobe byo kyafwainwa kubiwa, “Lesa ye waamba byobyoy, ‘Anweba kechi mukaje ku kichi kyonse kiji mu bujimi bwa Edena ne?’” Mwamona? “Anweba kechi mukaje ku kichi kiji kyonse ne?”

⁷³ Kabiji vulukai pano, Eva waambile mba, “Ee, twakonsha kuja ku kichi kyonse; pakuuba akya kichi kiji pakachi ka bujimi, kechi twafwainwa ne kukwatako ne.” Pano mumonai, mu mbila yanji, waalulula akya Kyambo pachechetu. Kwaamba mba. . . Eva waambile mba, “Mambo Lesa waambile, mba, inge twauba kikye, aja juba nishi atweba ‘twafwa.’”

⁷⁴ Aye waambile mba, “Oo, kine kechi mukafwa ne.” Monai, aye wajinga—ke muntu, aye waambile mba, “Obewa—obewa—obewa pano wauba kikye. Kabiji, anweba—anweba—anweba mujitu pamo na bantu babula maana. Anweba, kine, kechi mwayuka bintu byonse ne. Pakuuba inge mwakonsha kuja ku kikye, nishi wafwainwa kwikala na milaangwe, wafwainwa kwikala na maana. Mwakonsha kuyuka byawama ne byatama kabiji mwaikala nobe balesa, anweba, inge mwakonsha kuja ku iye milaangwe yo Njinayo. Nayuka, bino anweba kechi mwayuka ne.”

⁷⁵ Akyo, kijitu bulongo kwikala na milaangwe. Pakuuba inge milaangwe yaikala yapusanako, inge milaangwe yaikala milaangwe yabula kufuma kwi Lesa, milaangwe ya Bulesa, kabiji ikala ke milaangwe ya bumuntu, Amiwa kechi nasakamana ne nangwa twikale na saayasi byepi, kabiji ne ng’anyi bintu-bikwabo, nangwa kufunda, ke bya diabola. Amiwa nakonsha kwikishinikisha kwi anweba, inge Nkambo waswa, mu mamineti achechetu. Ke bya diabola.

⁷⁶ Lupipu lwabwikalo bwa bantu bwa diabola. Amiwa napwishishetu kusapwila pakyokyo. Byonse bisemwa mu ntanda, bulume bonse bwa sayaasi, kabiji ne bintu byonse, ke bya diabola. Ke mamboawama anji o asapwijile, a maana, mu bujimi bwa Edena. Kabiji watola aa maana, maana atwalwa mungi, apusanako na Kyambo ne kyaswa muchima kabiji ne lunengezho lwa kwa Lesa. Kabiji pano wajinga na myaka sikisi sauzande yakuuba byonka byaubilepo Lesa, bino mujishinda jatama, kabiji kyasendele kimye kimotu pakuuba mba aletepo Edena wani. Pano aye uji na Edena panopantanda, kabiji wayulwamo na milangwe, maana. Ao oajinga mamboawama anji ku ntendekelo, maana, milaangwe, sayaasi. Aye Lesa kechi wakyubilepo byo byo ne. Kabiji Na—Nasaka namba anweba mumone pa kamineti kamo. Aye waubile kikye, kabiji mambo wajinga muntu wa milaangwe ya muntanda.

⁷⁷ Pano, kyakosa kwamba kikye. Ke—ke kintu kyakosa bingi, mambo kwamba ku bantu baji na ng’umvwino imo yo Njipo nayo, kabiji ne mujishinda jo naikelamo pa myaka yavula. Bino kufuma pa kimye kya kunshikula atwa Tutetesho Tutanu na tubiji, twa aba Bamalaika kunyuma ya mutumba kokwa, *Awe* waikala ke Buuku wakatataka. Ke bintu byajinga byafyamika, bibena kusololwa byonka Lesa byo alaile mu Lumwekesho 10, Aye ukeyyuba. Kabiji atweba twi bantu bashukwa abo Lesa bo asalulula, ba pano pantanda, amba tumone ne kukwatakanya bibye bintu; akyo kechi ke milanguluko ya kufwanyikizha ne, milanguluko ya bumuntu ibena kweseka kwibilenga ne. Ke Kyambo kya Lesa kyasololwa, kyashinikishiwa, amba kiji bulongo. Kyashinikishiwa, kechi ku saayasi ne, kana kwi Lesa, amba Kijitu bulongo. Lesa, monka mo Naambila kala mu mbila, Lesa kechi ukeba muntu kulumbulula Kyambo Kyanji ne. Aye ye Iye Mwine Wilumbulula. Aye waamba mba kikamweka, kabiji kyamweka. Kokuuba mba, Aye—Aye wikishiniikisha, akya kilumbulula.

⁷⁸ Myaka icheche yapita kunyuma, atweba bantu baki pentekosito, kimye—bipwilo bikwabo bitubujilenga mba atweba twi “bakonya,” atweba “kechi twakonsha ne, Mupashi Wazhila ke kintu kyapita kala.” Bino twatana kuuba mba mulaye wakwa Lesa wajinga wa yense wafwainwa, kabiji pano atweba twayuka kyapusanako. Mwamona, kabiji akyo ke kintu kichechetu, abye bintu byanshikuka.

⁷⁹ Kabiji pano Aye walaile mba byafyamika byafyamikile mu ooa, mankulo onse a bipwilo, mba bikasololwa mu kimye kya kumpelo. Kabiji Aye wituleka atweba kuyuka pa kino kimye. Tuji mu kimye kya kumpelo. Atweba tuji pano.

⁸⁰ Bino, Satana yo nsulo ya lupipu lwa bwikalo bwa bantu. Aye yo nsulo ya saayasi. Aye yo nsulo ya kufunda.

Mwaamba mba, “Bushe akyo kine nyi?”

⁸¹ Kijitu bulongo, twayai tutange mu Kyambo kya Lesa pano, Ntendekelo 4, kabiji twayai tubwele kunyuma tumone pa mineti umo. Nayuka namba Nakonsha...inge Nakonsha kubajisha, Mulongo Carl wakonsha nkumbuula. Bino, Ntendekelo, kyapitala kyabu 4, kabiji ne veeleshi wabu 16, wabulang'ana papo, ku ntendekelo, byaubile Lesa, pakuuba mba abike mafingo pa mwanamulume kabiji ne mwanamukazhi, kabiji ne pa byonse byo bafwaijilwe kuuba; kabiji kechi *mafingo* pe abo ne, bino wibabujile bikamweka, kabiji wafingile mushiji na mambo a kwa Adama. Kabiji twatana papo, mba Eva wajinga na mapasa. Kabiji umo wajinga wa kwa Satana, kabiji umo wa mwi abo wajinga wakwa Lesa.

Pano mwaamba mba, "Uu-oo! Ine. Pano, Mulongo Branham!"

⁸² Pa mineti umotu. Anweba mwenaipo Kinembelo kimo, kuji konse, akyo kyaamba mba Kaina wajinga mwaana wakwa Adama. Amiwa nsakwimumweshwa mu Kinembelo apo po Kyaamba mba, "Kaina wajinga wakwa aye mubi," kechi Adama ne.

⁸³ Pano monai byo aimichile papo. Tutatwile pa kyapitala kyabu 4, patanshi.

Kabiji Adama wamuyukile...mukazhanji; kabiji waimichile, ne kusema wasemene Kaina, kabiji waambile mba, Naimita...waambile mba pano, Naimita mwaana kufuma kwi YEHOBA.

⁸⁴ Mambo, byo kyafwainwa kwikala. Nangwatu kikale pite nangwatu kiji kyonse, kyafwainwa kufuma kwi Lesa, monai, mambo awa ke lukunwa Wanji, ke muzhilo wa lukunwa Wanji, wafwainwa kusema nangwa lukunwa wabola, lukunwa watama, nangwa monse mo aikela. Wafwainwa kusemwa, nangwa byonkabyo. Ke mukambizho Wanji.

Kabiji wabwezhezhepo ne kusema nkasanzi Abela.

⁸⁵ Kabiji kechi wamuyukilepo jibiji ne. Adama wamuyukile mukazhanji masongola, kabiji ne kusema wasemene Kaina kabiji wasemene ne Abela, mapasa. Satana wajinga nanji alwa lukeelo, Adama aa mabaanga.

⁸⁶ Mwamona kikyeye kisangajimbwe kikatampe mu mapepala kuno, Naketekela, mu Tucson pano, pa yewa mwanamukazhi wasema mwaana wachiluluka kabiji ne mwaana utoka, pa kimye kimo. Aye wajinga na masongola na mulume wanji alwa lukeelo, kabiji na yewa mwanamulume mabaanga. Kabiji awa mwanamulume ukalama...mwanamulume utoka waambile mba ukalamako mwaana wanji aye nwine, bino mwanamulume wachiluluka wafwainwa kulama mwaana wanji mwine. Mwamona? Nayuka mba, mulusemo lwa bakabwa ne bikwabotu, kinetu kyakonsheka, inge kyaikala mu ma awala achechetu palutwe. Akye kikishinikisha.

⁸⁷ Bino pa kwamba mba tumweshe lupipu lwangikelo ya bantu ko lwafumine, pano twayai tutange Ntendekelo papo, mu kyapitala kyabu 4 kya Ntendekelo ne jikwabo, kabiji tumone kwepi. Veeleshi wabu 16.

Kabiji Kaina wafumine mu kyeenji kya Lesa, kabiji waikele mu ntanda ya Nonda, ku musela wa Edena.

Kabiji Kaina wayukile mukazhi wanji; kabiji waimichile, kabiji wasemene Enoka: kabiji aye wanshimikile muzhi, ne kutela jizhina ja muzhi, na jizhina...mwaanaji, Enoka.

⁸⁸ Lupipu lwabwikalo bwa bantu bwatatwile. Dokotala Scofield, papo mu Baibolo wami wa Scofield, waamba mba, “Lupipu lwa bwikalo butanishi.” Monai, nanchi wasemene baana, kabiji balengele byombesha ne nyimbo. Mukwabo walondejilepo wasemene baana babalume, kabiji watatwile kuuba bintu bikwabo, bya kukumya, kushimika mizhi, kabiji—kabiji ne kulenga byombesha bya kyela kyalubemba, kabiji ne misango ya bintu byonse. Monai, abyo byo byo aubile, waikele ke lupipu lutanishi lwa bwikalo, ao wajinga Mwina-kenana. Aye wauba kintu kimotu kupita mu mankulo.

⁸⁹ Pano twayai tufikepo na veeleshi wa 25, ne kumona kyalondelapo.

Kabiji Adama wamuyukile mukazhanji ne jikwabo, pano, kabiji wasemene mwaana wamulume, ne kumutumba jizhina mba Seta: Mambo Lesa, waambile aye mba, aye wantongwela lukunwa mukwabo wapingakena pa kifulo kya kwa Abela ao Kaina ye aipaile.

Kabiji Seta...Kabiji kwi Seta, nako kwasemenwe mwaana wamulume; kabiji wamutelele jizhina mba Enoshi: kabiji pa kyokya kimye bantu batatwile kwita pa jizhina ja YEHOBA (kufuma kulubaji lwakwa Seta, kechi ku lubaji lwabena Kaina ne).

⁹⁰ Monai, abya bikatampe bya busendwe byo twakwachijilako! Komyunizimu ye muka leelo, lesa wabo ye muka? Ke kufunda kwa bumuntu, saayasi. Kika kyo tubena kuuba, nangwa byonkabyo? Kwepi ko tubena kwikala? Langulukai bibye byambo leelo.

⁹¹ Pano aye uji na musango wanji wa Edena, Satana uji nanji. Mu iye myaka sikisi sauzande, aye walemekele (kechi walengele ne), bino, walemekele ntanda yonse yakwa Lesa, Byanji bilengwa, banyama, kusemununa na bakwabo, kwibifumya mu musango wabyo; bichi, bijimwa, bantu; kufikatu ne kubupopweshi, aye Baibibolo, kipwilo; poso wilenga aye mwine ke bujimi bwa Edena bwapwijiika, bwa saayasi, bintu byonse kasa bibena kwenda mwaila saayasi. Myotoka yetu, bintu byonse byo tuji nabyo, byapanwa kwi atweba mwaila

saayasi, muntu byo auba. Kabiji aye uji na Edena wanji mukatampe pano; kushinikisha Mbila mba yaiya pa kimye kyaitabilwa, kya kushinikisha amba kechi nkulo ikwabo ne kana Lumwekesho 10! Monai pa kusemununa kwa kuvwangakanya nkunwa, kulengamo kyawaya, nangwa, kyakijisha kuwama, kechi kyawamisha ne. Talai pa baana babacheche leelo.

⁹² Natwajile mwanami wamukazhi kusendwe wa meeno, keesha, kabiji waambile mba meeno anji abena kusukena. Mulongo wa ku Tucson, Mulongo Norman, wajinga na mwananji wamukazhi, kabiji meeno anji afuminengamo. Kabiji awa sendwe wa meeno waambile mba katatakatu, naketekela, amba kape mu bimye bibena kwiya, amba bantu bakasemwanga, na meeno amena. Ke kajo ko tubena kuja, kajo kamvwangakana.

⁹³ Bushe mwatangapo *Reader's Digest*, ng'ondo wapwa, pe Billy Graham, musapwishi wamunema? Bushe anweba mubatelekena kwi aye? Amiwa na mulombelela ponkino kimye kukila ne pa bimye byapita. Kimye kyo aambilenga ku booba bamateneshi-azhokoloka, ne bintutu bikwabo, bufuku bukwabo, wikibikilenga pa basapwishi. Kintu kimo kyamumwekejile. Juba jimo jibena kwiya, Naketekela ukamona kifulo kyanji kyo ajipo, monai, pakino kimye ubena kwita kufuma mu Sodoma, muzhi waluwakana. Kabiji pano monai kikye mu *Reader's Digest*, Billy waikala wakokelela bingi kyakuuba mba kechi wakonsha kutwajijila na kwikala na mbung'eno yanji ne. Kabiji bamubuujile mba wafwainwa kunyemanga, kayilo ya kukosesha mubiji, ne bikwabotu. Nanchi unyema mailoshi umo pa juba pa juba, Naketekela byo kiji, nangwa kintu kimo, kayilo ya kukosesha mubiji.

⁹⁴ Muntu wabola. Mutundu yense wa muntu wabola. Bintu byonse biji nobe byo byajinga mu kimye kya muyulo. Byonse byapipulwa, bya aluluka, kufuma ku musango wa bututulu ao Lesa ye ebabyajilemo. Bubi, monka mu saayasi kabiji ne bujimbijimbi, byazhobakanya mutundu wa muntu yense.

⁹⁵ Bushe mwatangapo ne biji mushi ya muyewa sawakya, apo po kyaamba mba, "Mu ano moba, bansongwakazhi babacheche ne nsongwalume baji pakachi ka myaka yabo, mwaila mwekelo ya mibiji yabo, pakachi ka tweeti ne myaka tweeti-faivi"? Kilangulukaitu.

⁹⁶ Mu kupima mipashi bufuku bukwabo, Natolele nsongwakazhi wa mwaka tweti-tuu, waleka musango wa bainetu, namwichile. Kabiji abyoko dokotala wanji byobyo amubuujile.

⁹⁷ Mwamona, wapona, wabwela panshi, mutundu wa muntu-ubena kuya ku bubole. Nayuka mba akyo kechi kyumvwanika bulongo mwayila maana ne, bino kya mu Baibolo, monai, akyo kya kine; kabiji yuwe mu mutundu wa muntu ye tubena kwikalamo, kino kisemi kya bantu.

⁹⁸ Pano monai leelo, kumvwangakanya lusemo lwa bang'ombe, kumvwangakanya misango ya bichi; kabiji saayasi wabwela jibiji, yeka saayasi wikyuba, waamba mba, "Akyo kyo kibena konauna mutundu wa muntu yense." Anweba mwi kitanga pamo nobe byonka byo Nguba. Kyawama, kika kyo babujila kwikikanya? Ke mambo akuuba mba kechi bakonsha kwikikanya ne. Kyambo kya Lesa kyaamba mba kikekala muyekawa musango. Bino inge bakonsha kulangulukapo pa mineti umotu, abo ke bingijisho, nobe byajinga Yudasa Isakalyota, kwikajika byonka byaambile Lesa mba bikobiwa. Bibena kwingijiwa kine monka mwaila saayasi wabo.

⁹⁹ Monka mwaila kupesapesa kwanji kwa kisaayasi, mu musango umo mo ajimbaikile Eva, momo ajimbaikila kipwilo, akyo kokwa Eva wajinga kipasha. Bino, pano Adama ke kipasha kya kyokya ne jikwabo, nangwa Eva, byonkabyo, mu kipwilo, monai byo kyaubiwe. Monka mukulondaizha maana, aye watezhimuka kukilang'anya mulaini wa pakachi ka kyawama ne kyatama, ponka pa kuteleka mu bya lubakanya Satana, nangwa byalemana, bya Kyambo kitanshi kyakwa Lesa.

¹⁰⁰ Kabiji pano bipwilo leelo byaonaika. Bino Amiwa kechi mbena kwamba pa bantu ne, pa bunke bunke. Mbena kwamba pa kipwilo kya ntanda. Kimo kyazhobakana mu mujishinda jimo, kabiji kimo kyazhobakana mu jishinda jikwabo, kabiji, mwaila saayasi. Ndoonda imom yo aubile. Aye wasenda kichinya kyanji, byo auba Satana, bya mu Isaya 14:12.

¹⁰¹ Twayai tutange kikye pa mineti umo. Mu Buuku wa Isaya, twayai tutatwile pa kyapitala kyabu 14, na veeleshi wabu 12.

Byo wapona kufuma mwiulu, Obewa Lusifa, mwaana wa kumakya! obewa byo bakutemena panshi, yenka obewa wakokesheshe byaalo!

Awe ye Isaya wamumona mu kimwesho, monai, mu nkulo ikeya.

Mambo obewa waambile mu muchima obe mba, Amiwa nkakanjila mwiulu, kabiji Amiwa nkekajika jitanda jami kukila peulu ya tubaangabanga twa Lesa: Amiwa kekala pa mutumba wa kipwilo, . . . alwe lubaji luji ku kabeta ka buyeke:

¹⁰² Satana kebelo yanji, kufuma mu Edena, kyajinga kyakwilengela aye mwine Edena; ne kwitumbijika aye mwine, pakuuba mba tubaangabanga twa Lesa tumupopwele, baana bakamupopwele. Kabiji aye kine pano wikifikizha, kabiji aye wauba kikye ne kwikileta mu kipwilo. Akyo, Amiwa kechi nsakuya mukuzhika ne. Anweba bonse mubena kuteleka ku ma tepu mwayuka pa kikye. Akyo—akyo kine kyo kimye kyo tubena kwikalamo, kabiji ke Satana wikyuba kupichila mu lunengezho lwa bya kufunda, kyawama kufikamo, kyawama *kikye*, kyawama *kyokya*. Kabiji kwakubula kuyuka ne, kimye

kyonse, babena kwenda kuya mu lufu. Bapofulwa meso, na kutangijila bapofu, batangi bapofu ba byaalo, batangi bapofu ba saayasi, bampofu batangi ba kipwilo, bampofu kasa batangijila bapofulwa meso. Yesu waambile mba, “Balekai bunke bwabo, bonse babiji bakaponena mukimbo.”

¹⁰³ Apano monai misango ibiji ya ma Edena epasha pepipepi pamo, kyakuuba mba bakonsha ne kujimbaika bonka Basalwa. Mateyo 24:24 waamba mba kikekala muyekawa musango. Bino Amiwa nakeba kwimanako pa mamineti achechetu ne kulanguluka pa ma Edena abiji, kabiji kukijishamo kintu kimo, Baibolo byo etubuula mba Kyambo kya Lesa kyo kyaaletele yewa Edena, kabiji ne Kyambo kya Lesa byo kitujimuna mba Edena mukwabo ukeya.

¹⁰⁴ Bino, twayuka mba kwafwainwa kwikala Edena mukwabo, inge twakonsha kuteleka ku ngauzhi, Paulo, mu Tesalonika wa Bubiji kyapitala kyabu 2. Nakonsha Kwikitanga inge mubena kukeba.

Aye witumbijika ayemwine; aja *juba* kechi *jifike*
ne, ja Nkambo, poso *awa muntu wabupupabizhila*
akasololwe, . . .

. . . aye wikala mu tepo ya Lesa, na kwitumbijika
ayemwine peulu ya byonse abya bitelwa mba Lesa,
pakuuba mba aye nobe Lesa bamupopwele mba Lesa.

¹⁰⁵ Langulukai kyokyo! Pano Isaya 14, ngauzhi waambile mba wamwene “Lusifa, mu muchima wanji,” kupichila mu kimwesho kya lutundaiko lwa Lesa, “amba wakonsha kuuba kyokyo.” Mu Isaya, myaka eiti aduleendi Paulo kasa akyangye kwikalako, nangwa kufwenya pepi popo.

¹⁰⁶ Pano papo, myaka eiti aduleedi kulutwe, Paulo wamumona, waiya wafika pa kifulo kyanji. Monai, kyaiya kufikizhiwa bu mutwe, mu Edena; Edena wanji wa saayasi, na ntanda yanji ya kisaayasi, na kipwilo-kya bumusongwa kyakisaayasi, byonse biji mu—mu kyambo “maana,” masukuulu akatampe, madigili akatampe, mitachi ya byakufumda.

¹⁰⁷ Telekai, mulongo, nyenga, umo umo wa mwiatweba ukenda mujoja jishinda Florence jo aendelemo. Ne mwipuzha, mu Jizhina ja Yesu, kumona pa Kikye. Kechi nkumona amiwa ne. Amiwa ne mulongo wenu. Akyo—akyo kechi ikyo ne. Monai Kyambo kyo Mbena kwamba, kya mu Baibolo wa Lesa. Kabiji pa kutalamo, kyashinikishiwa bulongotu mu Kyambo kya Lesa Mwine, mu nkulo yo tubena kwikalamo, amo mo tuji.

¹⁰⁸ Aye mitanchi kine yakwa antikilishitu, mwi ayo ine. Pano, aye wafwainwa kwikala na Edena, waambile mba ukeyyuba. Akye ke Kyambo kya Lesa kyapeelatu kibena kwamba mba ukeyyuba, kabiji papo tubena kumumona bulongo kasa abena kwikyuba. Aye wikyubile na maana akufunda, a kisaayasi, musongwa wabudinominesheni. Aye ukekala mutwe, juba jimo

jibena kwiya, mu Kinje kya Bipwilo bya Ntanda yonse bikekalako. Bonse bakekala nanji.

¹⁰⁹ Na kweseka bantu, kechi mambo akuuba mba bantu batama ne; abo babyajilwe mu yewa mulaini waoloka, nobe jitaba, pakuuba Satana wabyajile mikolobozhi, yatelwa mba saayasi, bya kupesapesa, kufunda, madigili abudokotala. Kimye kimo kechin bakonsha kukuswisha mu pulupiti ne kana wamweshwa digili wabudokotala kufuma ku sukuulu umo. Byonse byatama! Kechi bantu ne; ke mutanchi ye watama. Kabiji pano kyaubiwa byepi? Kyaletwa bumutwe jibiji, ne kuleta pamo ntanda yonse (kupichila mu jibumba ja kumvwangakanya, Lunkunwa mwine mutashi wa kwa Lesa watwalwa mungi) mu kivundakanya kikwabo kya fishi.

¹¹⁰ Bino Amiwa njibingi na lusekelo mba Lesa wituta muchima jibiji, amba Aye wakonsha kwenda ne jikwabo ponka pa lukatazho. Aye walaile mba Ukeyyuba, kabiji ne kwita kajitanga kakacheche ako kakekala Musongwa Wanji.

¹¹¹ Monai papo ne jikwabo, byalumbuluka abye bipwilo ke bipasha, nangwa ao ma Edena.

¹¹² Lesa, kupichila mu Lukunwa wa Kyambo Kyanji! Kabiji kujitu kintu kimo kyakonsha kusangulula Kyambo, kabiji ao ke Mupashi, mambo Ye Upana-Bumi ku Kyambo. Kabiji inge Bumi mu Kyambo kwasambakana Bumi bwa Mupashi, Bilupula kyonka kiji mu Lukunwa.

¹¹³ Pano monai kyamwekele. Mu bujimi bwa Edena mwajinga bukomo bwa Lesa bwakubula kuyuka kulenga mambo, kabiji aya yajinga imo ya—ya mankulo. Nkulo itanshi yajinga yakubula kulenga mambo, bantu kechi bayukilepo bubi ne. Abo kechi bayukile nangwa kimo pa bubi ne. Bonse Adama ne Eva bajinga mulekese, bino bafiilwe ku mulekese wabo, na kipembe kya mupashi kyajinga pa bilungi byabo. Abo kechi bayukile mba baji mulekese, nangwa pachechetu ne, mambo a byafiilwe. Mambo, kipembe kya Lesa kya mu milanguluko yabo, abo kechi bayukile kyawama ne kyatama ne. Kabiji bonse babiji baimene byobya mulekese, kyamwesheshe mba maana kechi bakijinga nao ne, monai, amba baji mulekese. Aba babiji bajinga mulekese bino kechi bekiyukile ne.

¹¹⁴ Pano inge mwakonsha kuzhikula, inge anweba mwakeba, nangwa kunemba, mu Lumwekesho, kyapitala kyabu 3. Aye Mupashi Wazhila waambila jimo na ino nkulo yapelako, Nkulo ya Kipwilo kya Laodikeya Pentekosito mu moba akumpelo, Aye waambile mba, “Obewa uji bwamba, kabiji wi mpofu, ne kwikiyukatu ne.”

¹¹⁵ Awa ye Lunkunwa wa Lesa, wabula kuyuka kulenga mambo, kabiji kechi bayukile mba bajinga mulekese ne, mushi ya kipembe kya Mupashi Wazhila, ne kwibamvweta ku bubi.

116 Kabiji pano mu nkulo ya kipwilo kyapelako, twatana papo kuuba mba baji mulekese jibiji, kabiji kechi be kiyuka ne. Bino kechi ke kipembe kya Mupashi Wazhila ne. Ke kipembe akyo Satana kyo amvwetele Eva kunyuma kokwa, kipembe kya lwiso, kipembe kya lwiso. Abo baji bingi na bubipisho kyakuuba mba babula ne kwikiyuka mba baji mulekese ne, banabakazhi bentu mu mukwakwa, bamvwala tuputula, ndeleshi ya bukende.

117 Muntu umo wantumijile kapimvwa juba jikwabo mu pepala, ka ndeleshi ipya yo bakamvwala, Nalanguluka mba, maichezi footiini kufuma peulu ya jimbwata, nangwa kintu kimo. Kabiji Nakumya kana betu—kana betu banabakazhi bayuka mba akya ke kipembe kya lwiso?

118 Pano anweba—anweba mwakonsha kwamba mba, “Nakonsha kushinikisha, kumeso akwa Lesa, amba Amiwa kechi njina mambo a bukende ku mulume wami ne, nangwa Na—Na . . . byonse bye.”

119 Bino nangwa byonkabyo, pa Buchibishi bwamambo, obewa ukatelwa mba “wikende.” Aye Baibolo byobyoby aamba. Yesu waambile mba, “Yense utala pa mwanamukazhi na lwiso lwa kumukumbwa, waubila nanji jimo bukende monka mu muchima wanji.”

120 “Mpofu, uji bwamba, kabiji ne kwikiyukatu ne!” Kechi booba banabakazhi bakamulanda baji kokwa ne; kechi kujipo Kyoji nakyonyo nabo ne. Ke bobwa bubi! Kabiji mutanchi wa kipwilo wamweka nobe wakakalwa kwikiyuka nangwa kwikikanya; bebaleka baichika suki yabo, ne kwipeta-peta, ne tuputula ne bikwabo, mu jizhina ja Bwinakilishitu. Ke kintu kyatama bingi! Monai, baji mulekese ne jikwabo, mu Edena Satana, kabiji kechi bekiyuka ne. Abo kechi bekiyuka ne.

121 Naketekela Namona, kapepo, pa kutala kukwe, pa kizhiba kya kowelapo, aba banabakazhi baji kokwa pakino kimye. Inge awa mwanamukazhi wayukile kyo abena kuuba, bino kechi wikiyuka ne. Uji mulekese. Mubiji wanji wazhila. Aye uvuula byakumvwala abyo Lesa byo amumwikile nabyo, na kikoba, mu kino kisemi. Aye kimye kyonse wiichiba. Aye uji mulekese, monka mu kyambo kyakuuba mba “lupipu lwa bwikalo bwa bantu, kufunda kwa peulu, lupipu lwa bwikalo bwa bantu bwawama, byubilo bya peulu.” Lekai ngikale washinikisha kuuba mba akye kyaumvanyika. Kyonse ke kya diabola, kabiji ukonauna pa Kwiya kwa Nkambo Yesu. Kikonaunwa, kyonsetu. Kechi kukekalapo kintu nangwa kimo kikashalako ne.

122 Kabiji, oo, mulunda, mwaya kyaalo, nobe byo ubena kuteleka kwi amiwa kuno ku Phoenix, langulukaipo pa bibye bintu! Obewa abye bintu byafwainwa kukubilwa. Bino, Yesu waambile mba, “Bakajimbaika Basalululwa inge kya konsheka kubiwa.”

¹²³ Awa mupashi mutanshi wajinga wa...kipembe kitanshi kyajinga kipembe kyazhila, Mupashi Wazhila, kabiji kechi wafwajilwe kutala Kokwa ne. Pakuuba kimye—kimye Satana kyo atatwile kwamba kwi aye pa bya maana, aye watajilekotu pacheche mutanda.

¹²⁴ Kabiji abyo kine mwaanani wamukazhi, kipwilo, byo kyauba. Wafwainwa kumona, wafwainwa kuvwala nobe sendwe uba mafilimu, nangwa banyike banabalume bafwainwa kuuba byubilo nobe Elvis Presley nangwa—nangwa Pat Boone, nangwa—nangwa bamo ba mubaabo bantu, baji mu jizhina ja bupopweshi.

¹²⁵ Pat Boone ke wa ku Kipwilo kya Kilishitu. Elvis Presley ke waki Pentekosito. Bantu babiji baji na bademona abo batwala ntanda yonse mu kivundakanya kyatama kukila byaubile Yudasa Isakalyota pa kupotesha Yesu Kilishitu. Abo kechi bekiyuka ne. Aba bansongwalume kechi bayuka kyokyo ne. Kafwapo kyo Nji nakyo pa baabo—baabo bansongwalume ne, bantu, ke mupashi ubena kwibatundaika.

¹²⁶ Nyataitu lutampulo umo kululwe lubaji pacheche, lekai mukolobozhi akwatetu pacheche kuzhokoloka kinenge kya joja jitaba, kimye kimo, talai kyakonsha kubiwa; jitaba jaya. Oo, ee, kya mukwata. Kabiji abyo mo kikobilwa. Kikobiwa kimye kyonse. Eva watampukiletu lutapulo umo wakutala ku ntanda.

¹²⁷ Kabiji lekai ng'ambepo kintu kimo kwi obewa, mulongo ne nyenga. Mu Yoano Mutanshi, kyapitala kyabu 2 ne veeleshi wabu 15, twakonsha Kwikitanga inge anweba mwakeba, Baibolo waamba mba:

...*Inge twatemwa ntanda, nangwa bintu bya muntanda, ke mambo a kuuba mba butemwe bwa Lesa kechi buji mwi atweba ne.*

¹²⁸ Pano, kyambo kechi ke *ntanda ne*; ke kyambo kya Kingiliki, ke *kosmos*, akyo kyalumbulula mba “ndonda ya ntanda.” inge twatemwa mafwashi abya muntanda, mu kyaalo, inge twatemwa mwayila byubiwa mu jojo juba, inge twalanguluka mba “akino ke kimye kyawama, oo, tuji na bibye bintu byonse,” inge walanguluka kyokyo, ke mambo a kuuba mba milanguluko yobe yalubakana. Yatwalwa mungi na diabola. “Mambo inge obewa watemwa ndonda ya ntanda, kabiji ne bintu bya mu inontanda yakatataka, ke mambo akuuba mba butemwe bwa Lesa kechi buji mwi obewa ne.” Vulukai kyokyo. Anweba Lesa! Talai kyo tubena kutalamo!

¹²⁹ Apo Nasaka kwimana pa kamineti ne kwi mubuula jishimikila jicheche. Naumwine ku kyapilini wa mu Nkondo Itanshi ya Kyaalo kyonse. Abo bataile . . .

¹³⁰ Nobo Satana pa ntendekelo, byo aishile mu bujimi bwa Edena. Aye kechi wakonsheshe kupoya aya Kunwa ne. Aye kechi wiyonawine ne. Bino aye wiyisashile na bulembe, kabiji

waletele bulema ku Lukunwa, kechi wasemunwine musango wani walumbuluka ne. Kyalemekele Lukunwa mutanshi.

¹³¹ Kabiji abyo byo bibye byonse bya mitanchi ya bupopweshi. Abo bakijitu baana babalume ne babakazhi bakwa Lesa, bino byaikala byalemekwa. Abo baya ku kipwilo, kasa bakeba kuuba bulongo. Mwanamukazhi wipana ku bupopweshi kechi utwela mukambi yabo amba ekale muntu watama ne. Wamwingilo kechi upita mu sukuulu pakuuba mba ekale ke—ke—ke muntu watama ne. Anweba kechi mwinungako ku kipwilo, kabiji ne kwi imuna mu maboko, ne kubika jizhina jenu mu buuku, nangwa kiji kyonse kyo muuba mu kipwilo kyenu, kwamba mba mwikale muntu watama ne. Anweba mubila kyokyo pakuuba mba mwikale muntu wawama. Pakuuba ke bujimbijimbi, ke bulema bo bwikyuba. Satana ye wiyisashile. Mwamona? Lesa kechi wajinga na kabungwe ne. Kechi kujipo kintu kyabyobyoyo kuji konse kyatanwa mu Byambo bya Lesa ne.

¹³² Lesa ye kabungwe ketu, twabungizhiwa mwi Aye, mu Mubiji, mwi Lesa, Mwiulu. Abo ibyo. Mazhina etu abikwa mu Buuku wa Bumi wa Mwanamukoko. Monai.

¹³³ Bino, monai, Nayuka mba ke kintu kyakosa bingi, bino Na—Nasaka namba anweba mwikaleko kimye kyabayako inge mwakonsha. Mu kimye kya nkondo ya ntanda... Ndekelaiko mambo pa kufuma ku mutwe wami.

¹³⁴ Bino pakulenga kikye kikomo, Na—Nasaka kwimupa bintu byaubile Satana mu Edena: wasashile bulembe bwatama bingi bo asashile. Mwakonsha kutemwa kuyuka abya byo asashilenga byobika? Nakonsha kwimubuula. Amiwa njina musango wakyo, byambotu bibiji: kubula luketekelo, akyo kyapusanako na lwitabilo, wasashilepo kubulwa luketekelo, luzhinauko. Kabiji saayasi yayuzhizhe mpuzha yakyo. Apa paji kimbo, kyaile mu Lukunwa, Satana wayuzhizhe kyokya kimbo na maana ne saayasi ne lupipu lwa bwikalo bwa bantu, kabiji kyalemekele byonse, bilengwa byonse byakwa Lesa.

¹³⁵ Nayuka mubena kulanguluka mba Amiwa ne mukashila ku musapi umo, bino Amiwa njipamo ku musapi ne anweba. Kabiji atweba bonse tuji muno na kukeba kyo twafwainwa kuuba. Atweba kechi twamba byobyoyo bintu pakuuba mba tupusenemo ne. Twafwainwa kwikala bakishika.

¹³⁶ Atweba, umo umo, twaiya kupelo ya mukwakwa, ako ko tukapana mukumbu wa kyambo kyonse. Ponka pano, twayuka mba mawi etu... Inge twasemwa, kujila kwetu kutanshi kwa kucheche kuya konse pa tepu. Kukabwezhiwapo jibiji pa Juba ja Buchibishi bwamambo. Ne bya kuvwala byo mumvwala ba kemumweshabyo mu kilungi kyenu, pa Juba ja Buchibishi bwamambo. Ne saayasi yatana kyokyo, mu televizhonyi. Monai, televizhonyi kechi ulenga bipikichala ne, wikibikatu kyaya mu ndonda. Ne musombelo wa bya

kumvwala, kimye kyonse kyowenda, mulanguluko obe yense uji mu muchima, kine bilamwa pa lekondi wakwa Lesa. Kabiji akya kintu kikatampe kikaletwa konka ku meso obe, byonse bya kuvwala byatama byo wamvwalanga; kimye kyonse kyo waile na kubeyesha suki, na kutenda yoya suki Lesa yo akupele. Byo kikekala. Obewa ukakumbula pa kyokya. Obewa kechi wakonsha kwenda ne, nangwatu milanguluko ya mu muchima obe kimye kyo ubena kwikyuba, bikaletwa ku meso obe. Pano obewa ukapuluka byepi? “Tukapuluka byepi inge twaikala na mukose wa lupulukilo lwabaya byobya?” Mwamona? Atweba kechi tukapuluka ne. Kwenda konse, kabiji ne milanguluko ya mu muchima, kyabikwa pa lekondi mu kibese kikwabo kya meulu, kubikapotu ne musombelo wa bya kumvwala byo uvwala. Televizhonyi, televizhonyi umweshwa lupusano lwa misombelo washinikisha, wibileta patoka ne kwikimweshwa, monai, kabiji akyo ke mu lubaji lwa kibese kimo kufuma mubibese bisatu byo twikalamo. Mwamona?

¹³⁷ Pano nga buleme byo bwafikila pa kipwilo, bwafikila pa ntanda! Satana buleme bwanji pa Kunwa, bwabika bimbo pe ayo nekwiylengela yaikala na bulema. Monka mo bivujila, bitwela panshi mu michima ya bipwilo, kabiji ne mu michima ya bantu ne bintu byonse, saayasi, sayaasi. Poso kyafika pakifulo apo mutundu wa muntu, byo amvwangakana... Naketekela mba yense lukunwa wafwainwa kuleta wa mumusango wanj. Kabiji mutundu wa muntu, ne bijimwa, kabiji ne byonse bibena kumvwangakana mukuvuzhiwa, bituleta pa kifulo kimo; mpa kuja kajo ketu kufuma panopantanda, akyo, mibiji yetu, yaikala yafuma mu bututulu butanshi, kyabika milanguluko yetu yonse... Pano, inge mibiji yetu ibena kupona, kufuma pa myaka tweti kuya ku tweti-faivi, mambo akuuba mba maselo etu apwa bulume, na mambo a byakuja byamvwangakana, bushe maselo etu a kubongo kechi apwa bulume ne? Bushe aa nao kechi maselo, nenyi? Oene mambo Ricky kyo anyemena kupita mu mukwakwa, na kyela kyakaba; akwe Ricketta, Elvitta, ne bakwabo bavula, bo twakonsha kutela mazhina, ne kulupuka kasa bamvwala lubiji lumo kumeso a bantu, milanguluko yaya mungi, kafwako kulanguluka milanguluko yaitabilwa nangwa byubilo byawama ne.

¹³⁸ Kubwela ku shimikila njami jicheche. Awe kyapulini waambile mba najinga nakolwa mu kipatela, kabiji waambile mba bavula bansongwalume balala mu tente, bamo... Aye wafuminetu pangye. Aye waambile mba waile konka kokwa, kabiji umo wamwingilo wa mubuujile, amba, “Kyapulini, tubena kukeba kuya, na kumona majimi kokwa.” Batayamo mwela wa masitandi ne kololini, byonka byo baubanga mu oa moba.

¹³⁹ Kabiji waambile mba, “Nafikile kokwa, Mulongo Branham,” waambile mba, “kechi kwajingapo kyula ku kichi ne, kechi kwajinga nsono yamena ne. Kyajinga pa lukeelo lwa

Lusanguko.” Aye waambile mba, “Kokwa kwajinga ma tanka afwa akala, wa mwingilo wi binembelenga, kabiji ne kumona kana kujipo kintu kimo kyafwainwa kubiwa kwi abyo, kwipi na Jisaka jikatampe ja Argonne.” Waambile mba, “Kimye kyo Naimene bunke bwami,” waambile mba, “Natajile peulu, ne kwaamba mba, ‘Anweba Lesa, aje jo jishinda ja kuyamo.’” Abye ibyo, byonse bibena kwiya. Byonse byapile, kechi kwajinga bumi nangwa pacheche ne, nsono yonse yapile; kichi, na ooa ma gasi, bichi byonse bya onawinwe, bintu byonse bya onawinwe, byazhobakana, byakoobama panshi, ako mpolopolo ne bintu byonse bikitabaula.

¹⁴⁰ Inge akyo kechi kyo kipikichala kya ntanda leelo ne, amo Satana mo abena kusasa kubula luketekelo lwanji, kumvwangakanya kwanji, saayasi wanji, maana anji! Poso, byonka byo kwajinga kutendekelo, kimye Lesa kyo abikile Adama ne Eva mu bujimi, awa paladisa wawama mwabula lufu ne, mwakubula misongo, kwakubula bulanda ne, kabiji ne bintu byonse byalumbulukatu mundonda, talai byaubile DDT wakwa Satana! Uji mu lukatazho. Kafwamo kyashalamo ne.

¹⁴¹ Aye waambile mba, “Natatwile kujila. Naendele kubwela kunyuma, Naongwelwe ku jibwe.” Waambile mba, “Amiwa nayile konkakwa ne kutalapo pa jibwe, nejishijikile panshi. Panshi ya jibwe pajinga jiluba jitoka jicheche jakomenenga, kyo kyonka kintu kiji na bumi kyashalapo, mambo jamvwetelwe ku jibwe.”

¹⁴² Lesa, Jibwe jami, tumvwetai leelo, Anweba Lesa, kimye abwe bulembe po bubena kululukuka konse konse mujizhina ja saayasi ne kufunda. Tumvwetai. Ndamai poso pajoja juba, Anweba Lesa, yo milombelo yami. Pano Naketekela mba atweba, umo umo, tuji mushi ya Jibwe, Kilishitu.

¹⁴³ Nasapwijile pa juba jikwabo, anweba bavula mwikyumvwine. Nailenga nakupita mungye, na kwipaya nyama, kabiji Nakebwilwe kwalulukuka. Kabiji Natajile, kabiji popa pajinga kibokoshi kyabulamo fwaka nangwa kipakete, nangwa kana mwikitela byepi. Kabiji ke kapanyi, Amiwa kechi mbena kumvwa mba Nafwainwa kwikitela jizhina jabo ne, bino kapanyi wafwaka wajinga. . . .baji na ng’ambilo mba, “Kususa kwa milanguluko ya muntu, kupepa kwantompelo ya muntu.”

¹⁴⁴ Natatwile kwenda kuya mushi na—na kuya palutwe kacheche mungye, kabiji Kintu kimo kyakebwile, “Bwela kunyuma ku kipaketi kyafwaka.”

¹⁴⁵ Nalangulukile mba, “Taata wa Mwiulu, Amiwa mbena kuya ku kyokya kichi konkakwa atwa tu baluyeye ko twaambiwe mba twikaleko kwi Obewa, lukeelo lumo. Kika Anweba kyo mwambwezhezha?”

¹⁴⁶ Kabiji Kintu kimo kyaambile mba, “Unji na busapwishi bubena kwiya pa Mulungu. Mutwe obe wanembwa pa kikyeye.”

Nalangulukile mba, “Pa kibokoshi kya mishanga?” Nabwelele kunyuma.

147 Kabiji Natatwile kulanguluka, “Kususa kwa milanguluko ya muntu,” bujimbijimbi bwamusangoka! Inge muntu wajinga wa kulanguluka, aye kechi wakonsha kupepa nangwa pachechetu ne. Bino, mwamona, bantu bamina kyokyo.

148 Naketekela kyajinga myaka ibiji yapita, kimye kyo Najinga ku mbung’eno imo ikatampe, Naile kwajinga kutambisha kwa ntanda yonse kimye kyo kwajinga ku Kitulu kya Kumuzhika. Kabiji bajinga na kipikichala kya kwa Yul Brynner ne bikwabotu konkakwa. Kabiji masaayatisiti, bavula bingi, bajinga mu kishimikwa kimo, kasa baamba pa bulwanyi bwa kupepa fwaka. Byo bandosa bwishi kukilang’anya pa jibwe, ne kutola mucheche Q-tip kabiji ne kufumyamo bulembe butanwa mufwaka ne kwibubika pa musana wa mpuku, kabiji ne kumubika mu kikumbi, pa moba sebeni mubiji yense wakumbene kaasa kyakuuba mba wakakalwa ne kwenda. Mwamona? Aye waambile mba . . . Bikokai kupichila mu meema, ne kwaamba mba, “Susai!”

149 Waambile mba, “Kususa? Kechi kujipo kintu kya musango yeo ne.” Waambile mba, “Anweba . . .” Pano, awe ke saayasi aye mwine. Abo baambile mba, “Anweba kuuba mwaikala na bwishi ne kana mwaikala na manenekela. Manenekela alenga bwishi.”

150 Kabiji kintu kijipo ke, ke bujimbijimbi bwa kupotesha mishanga yavula, inge kya . . . Inge . . . Amiwa kechi naketekela mba anweba musakulanguluka mba Amiwa njina myendeleko nangwa mba ne uleta bisela ne. Awa diabola mu muntu, ye umulenga kupepa, pa kuuba mba eipaye aye mwine. Umvwe aye—aye wakeba bulembe bwa mushanga umo, bwakonsha kupana kukabila kwanji, pano awa kapanyi wiya na bubela bwabo bwakujimbaika, ne kwamba mba, “Kususa kwa milanguluko ya muntu.” Aye wafwainwa kupepa mishanga foolo nangwa faivi, ne kulenga manenekela avula mukachi kobe (pakuuba mba atondwe) byonka bya waubile na mukwabo. Bena america babena kupotesha lufu ku balongo baabo ne banyenga! Amiwa kechi nekyumvwa ne.

151 Bino nangwa byonkabyo, monka mwa, Nalangulukile mba, “Monka *mwa* muji Kususa kwa milanguluko ya muntu abyoyabyo.”

152 Pano, inge muntu ubena kupepa, vulukai, kilenga tompelo ya muntu upepa fwaka. Nanchi, inge obewa kechi wikala na- . . . kumvwa kilaka kya bwishi poso watambula bwishi momwa, watambula . . . wafwainwa kuleta tompelo, nanchi, wapepa mishanga foolo, nangwa faivi, ne kulipila avula payeo kukila ne byo wafwainwa, wapepatu umo mushanga. Monai, ke bujimbijimbi, bujimbijimbi bwa busulu; kujimbaika bantu, Benamerica. Inge Nalanguluka pe Valley Forge, George

Washington; na bibese bibiji-bya pabasatu bya bashilikale banji, kabiji kwakubula ne sapato kumaulu abo, pa joja juba ja mashika, pakuuba mba betulenge atweba kwikala bukomo botuji nabo! Kabiji pano Benamerica bapotesha Mwinamerica, mulongo wanji ne nyenga, lufu, na bujimbijimbi bwa bubela, na kilaka kyatama, muzhazhi wa byatama byonse. Kilaka kya mali, butemwe. Bintu byonse byakonyatu, kwakubula kuyuka mba bintu byonse bikonaika! Pakuuba inge kechi wakonsha kupepa ne, kechi wakonsha kwikala na ntompelo ne.

153 Nanchi Nalangulukile mba, “Akwa ko Kususa kwa milanguluko ya muntu.” Kisuso kya Milanguluko ya muntu! Kabiji Natolele mutwe kufuma ku “Kisuso kya Milanguluko ya muntu ileta tompelo ya muntu wazhila.”

154 Nanchi Nalangulukile mba madinominesheni etu auba bintu byavula bya musango yewa, kuleta bantu ne kwitela abo bene mba Benakilishitu ao ye musangotu umo. Kika? Batwelamo kyabaya mu madinominesheni wabo nangwa tubungwe. Tutambula byavula momwa mambo twibaswisha kwiya na *kikye*, *kyokya*, ne *kikwabo*, kabiji ne kiji kyonse. “Akyo kechi kijipo na lupusano ne, nanchi babikatu jizhina jabo mu buuku ne kwamba mba Benakilishitu. Byo byonka. Oo, ‘ko kulwitabilo ko mwapulukila.’ Wafwainwa kwitabila.” Aye diabola uba kintutu kimo. Ee.

155 Obewa wafwainwa kusemwa jibiji, kabiji akyo kiya kupichila mu Kisuso kya Lesa! Pano kuji Kisuso kya milanguluko ya muntu. Amiwa ne Kikwata mu maboko ami. Kechi kileta tompelo ya kidinominesheni ne, pakuuba Kipwisha kilaka kya tompelo ya muntu wazhila, mwayukatu.

156 Pano nga mwanamukazhi uji na suki-yakwichika wakonsha kupita byepi mu kikye Kisuso? Pano nga mwanamukazhi umwala tuputula wakonsha byepi kwiya kupita Mukikye, nangwa masilaki, bino Baibolo kasa abena kwamba mba, “Kekyabunya kwi Lesa, mwanamukazhi kumwala kyakumwala kyapashako kya mwanamulume”? Kabiji kyakonsha kwikala byepi mwanamulume ulanguluka pe aye mwine, walupuka kabiji wamwala nobe banabakazhi, waleka suki yanji yakoma nobe mwanamukazhi, monka mu meso anji, na byola, kabiji ne kwiyikasa muyewa *musango*? Aye umwala byakumwala byamukachi bya mukazhi wanji. Aye umwala bivwalo byanji bya peulu. Kisuso kya milanguluko ya muntu? Muntu ulanguluka kechi wakonsha kuuba kyokyo ne, nangwa mwanamukazhi ulanguluka kechi wakonsha kwikyuba ne. Kyambo kya Lesa kechi kiswisha kupita mukyokyo ne.

157 Kechi kujipo kintu kimo kyakonsha kupita mu Kyambo ne. Awa ye Mupashi Wazhila, kabiji Uleta Kyambo mwi obewa, kabiji Kileta tompelo ya muntu wazhila.

¹⁵⁸ Talai pa buleelo, Ricketta pa mukwakwa, wabutemwe, mwekelo yalamba ya mupele Lesa, kabiji Satana ke ekingijishe. Kabiji aye umvwala vwajilo yatama bingi, kwakubula kuyuka mba mulungu umo kufuma papo ukabolanga mu kilende.

¹⁵⁹ Pakwiya mu mukwakwa kechi papita kimye kyabaya ne. Amiwa nasapwijienga pa mbung'eno ikatampe ya ba Assemblies of God kokwa ku Kitulu kya Kumuzhika, mu mbung'eno ya Southwestern Bible Sukuulu. Inetu mucheche mubiji waendelenga mu mukwakwa, mucheche... wamvwala atwa twakuvwala tuheche, kalikobeke, monse momwakonsha kwikitongwela, kabiji wamvwala byamasekebele, ne kisochi kya bu kawomboyi ne makese. Amiwa nailenga monka mu mukwakwa. Nalangulukile mba, "Kamulanda mulunda mucheche, mwaana wa bamaama bamo ne bataata, wabikilwe pano amba ekale mwaana wamukazhi wakwa Lesa, kabiji waikala ke kiteyo kya kwa diabola." Nalangulukile mba, "Naketekela Nsakwalulukatu mbwele kunyuma, na mubuule awa mwanyike." Wamwekele kwikala nobe myaka yakwa Sala wami, myaka sebetiini, myaka sikisitiini, nangwa kintu kimo. Nalangulukile mba, "Ine, Amiwa kechi ne kyube ne. Amiwa nsakuyatu mu mukwakwa na kumulombelela. Inge muntu umo wamona naimana ne kwamba nanji, Kyawama kubula kwikyuba."

¹⁶⁰ Pano, kabiji telekai, baana bakwa Lesa, umvwe mwafika pa kyokya kifulo kimo, abo ba Yezebeli ba mujino juba bakeba kukaila kwi obewa, pakuuba mwanamulume wakonsha kulanguluka patanshi. Aye wakonsha kwikala walamba bingi, kyakonsha kwikala "Nakonsha kwikala na lumvwang'ano nanji," bino kyakonsha konauna mweo obe, nsongwalume; anweba bamo bansongwakazhi, kubaabo ba Rickys! Kisuso kya Milanguluko ya muntu kileta tompelo ya muntu wazhila.

¹⁶¹ Anweba banabalume mwasongola, inge mwibamona banabakazhi pa mukwakwa muyewa musango, anweba baana bakwa Lesa, anweba kechi muvuluka kyamwekele patanshi ku ntendekelo nenyi? Kimye saayasi kyo alengele banabakazhi kwikala balamba bingi mu kimye kya muyulo, poso baana babalume bakwa Lesa batolele baana babakazhi ba bantu (kechi baana babakazhi bakwa Lesa ne), kabiji Lesa kechi wikilubileko ne. Baonawine bintu byonse; saayasi, balambisha. Kyaikalanga ke... Monai kulamba kwa banabakazhi kubena kuyatu peulu mu moba akupelako, ke kiyukilo kya kumpelo; Lesa wikishiniikisha. Nanchi, ingijishai Kisuso kya milanguluko ya muntu, mukekala na tompelo ya muntu wazhila. Kyakonsha konauna nzubo yobe. Kyakonsha konauna kifulo kyobe. Kyakonsha konauna bintu byonse byo uji nabyo; kufumyako byobyoye, ke mweo obe! Kikonauna nzubo yobe. Kyakonsha kulengela mwanamulume mukwabo wakomesha baana benu, nangwa mwanamukazhi mukwabo wakomesha baana benu.

162 Tolai Kisuso kya milanguluko ya muntu, kikalenga tompelo ya muntu wazhila. Inge watatula kuya ku nzubo ko babeya suki, nangwa kintutu kikwabo, kabiji bakubuula mba, “Obewa ukakolwa mutwe, mwayukatu.” Tola Kisuso kya milanguluko ya mwanamukazhi, Baibolo waamba mbaka, mwamona, nanchi fumako kwi akyo. Mwamona? Kechi mwafwainwa kwikyuba ne.

163 Amiwa ne mulongo wenu, kabiji Amiwa ne mutemwa. Kafwako kyo Njinakyo kyatama kwi anweba ne. Lesa wayuka. Kabiji akyo kyo kyandengela kwamba bintu byo Ng’amba, ke mambo a—a butemwe bwa Lesa pe obewa. Inge muntu waya kokwa wakakalwa kukubula, kafunga wenu wakuleka wakala na kuuba byobya bintu, kechi wakutemwa ne. Aye kechi wakutemwa ne. Amiwa kechi nakonsha kukeba kwikala nayewa musango wa butemwe bwa banabakazhi ne. Amiwa nakeba kwikala na tompelo yazhila ku nyenga yami. Amiwa nkeba mba aye ekale nyenga yami wakinekinene. Kechi muntu umo wakonsha kwamba mba, muntu umo waambile pa kulamba kwaji ne byo aji, kabiji booba bainetu babukende, “Aye uya kwami. . .” Uuu. Ine. Amiwa na mukeba kwikala inetu!

164 Anweba Nkambo, ndaminai mushi ya Jibwe. Ee. Mu Efisesa 5:26, jishindatu jimo ja kupichilamo ku joja Jibwe, kuuba mba, “Waomvwewa mu meema a lwabano lwa Kyambo.” Abyo ibyo.

165 Pano, kechi muleke yuwe diabola emusase na kufunda dwanji ne. Ine, ine. Kikonauna bongozhi bobo. Kechi muleke diabola atole kyokya ne, “Kyawama, Amiwa ne wakukyokya kipwilo konka kuya bamaama, akya bataata, bankambo yami babakazhi.” Kechi uswishe diabola kukusasa na kyokya ne. Aye Baibolo waamba kala, pa Mankulo a Bipwilo Bitanu na bibiji, kabiji ne bintu biji momwa, byonse byaya ku lukunwa! Abyo ibyo. Byonse bintu byabola. Byonse bintu byaikala byaboleshatu. Kechi mu muleke emusase, ne kwamba mba, “Kyawama, ke byubilo byapeulu. Atweba twafunda bingi kukila byotwajinga mu oa moba akala.” Kechi muleke diabola abike kyokyo pe anweba ne. Amiwa ne mumweshya yense we mutanchi wa lupipu lwa bwikalao bwa bantu, kufunda ne saayasi. Aye uji nakyo monka mu kipwilo, kabiji kechi mwafwainwa kuteleka ku kyokyo ne. Fumyai mutwe wenu ku biko byakala bya matelevizhoni ne bintutu bikwabo!

166 Kabiji mutwe wetu ubena kwamba mba, “Kechi mwipashang’anyenga ne, poso mwalulukenga.” Kechi kutwelamo ne kwamba mba, “Amiwa napashang’anya, Pamulungu.” Ine. Twelaimo ne kwaluluka ponkapano, kwaluluka kufuma mu musango ye mujimo, ne kuya ku kyokya Lesa kyo akeba mba mwikalamo.

167 Pano, kiyilatu mu musango ka wa lukunwa uji mwi obewa. Inge wa maana abantu, lukunwa wakufunda ye wabikwa mwi anweba, kujitu kintu kimo kyakonsha kuuba, obewa ubena

kukubula, byo byonka, mwaana wamulume nangwa wamukazhi wakwa Lesa. Kyo kyonka kyakonsha kuuba. Bantu leelo, byo Mbena kutajisha, booba byubilo nobe kechi baketekela mba Lesa ko aji ne.

¹⁶⁸ Ndekelaiko mambo pa iye ng'ambilo. Inge muntu uji yense wikozha ku kikye, Amiwa kechi ne kitazha mu kyokyo ne. Yapitapo Milungu imo Naichilwe, ku mwaana wami wamukazhi, kuya ku televizhonyi na kumona nyimbilo ya bupopweshi. Kyajinga pa Mulungu lukeelo. Nakebelenga kumvwa kwi Oral Roberts pa polongalamu wanji, Ne babuujile mba bangyukishe. Waambile mba, "Mwaumvwa yuwe, awe ke lwimbo mukatampe wa imbiwa." Mwaana wami kasa aimana byobya, wambujile pa kikye, ne aye. Kabiji Nanshikile yewa king'ambang'amba . . .

¹⁶⁹ Tunsokela ku mwanamukazhi uji na televizhonyi mu nzubo yanji. Amiwa kechi nkeba kwikalapo nanji mu nzubo yami ne. Ine, mwane. Amiwa kechi mbena kukeba kyokya kintu mu nzubo yami ne. Nakonsha kwikisansaula na kifwefwe wami. Amiwa kechi kebapo kwingila na kyokya kintu kyatama ne. Ine, mwane! Bino tolai . . .

¹⁷⁰ Lekai ne mubuule anweba Benaarizona kuno. Mwamwene yoya nondolwelo juba jikwabo, pa bya masukuulu, kechi ibyo nenyi? Eite paseti wa baana mu Arizona bamanama na kikola kya milanguluko yabo yabujilwamo bimo, sikisite-sebeni paseti wa mwi abo mambo akutala pa televizhonyi. Pano ngaakya?

¹⁷¹ Obewa kyawama kwingijisha kifwefwe kyobe! Mwamona? Pano, kechi muleke diabola emusase na byobyo ne. Ine mwane. Pano bantu, nobe byo Najikwamba, bantu booba nobe kechi bakeya ku Buchishi bwamambo ne.

¹⁷² Abo bansongwalume ne bansongwakazhi, bajinga na kisemi kya bena India, kabiji ne bintu byavula bingi. Naketekela mba mulongo umo watelwa jizhina mba Mr. Pool ye ntangi wabo. Kabiji inge Amiwa namwenepo nyimbilo ya katataka ya myendeleko, kyajinga jishanda mo bekyubijilengamo; jibumba ja ba Rickys kasa baimana byobya, na kusukanya maboko abo peulu-ne-panshi.

¹⁷³ Amiwa najikusachila yewa mwanamulume mwanyike lukeelo luno, awa wajikwimba, wajikumwekanga kutekanya, nobe muntu walumbuluka. Ami—Amiwa natemwa kyokya. Kimye kimo anweba—anweba bantu basulu musenda baabo ma Rickys bemana kuno, na kwita milozhi ne kubijika, kabiji ne kutwajijila, ne kupujika michima yabo poso baaluka kifufya mu kilungi kyabo; kabiji akwa kechi kwimba ne, akwa ke kulengatu kyongo kikatampe kya busaayasi. *Kwimba* ke "kimenge kufuma mu muchima."

¹⁷⁴ Kabiji Nalangulukile mba, "Ke kintu kyalusa! Ke kyabuvu bingi! Nanchi mu jizhina ja bupopweshi, booba byubilo nobe kechi kujipo Lesa ne!" Muntu umo waambile mba, juba

jikwabo, ku nsongwalume waya na mwaanami wamukazhi, Mwinakilishitu nsongwalume waambile mba, watolele ng'ambilo ya kwa Adama ne Eva, waambile mba, "Eva ubena kupita mu bujimi. Waambile mba, 'Baana, mwamona kyokya kichi nyi?' Waambile mba, 'Akwa iko bainobe ko betujile kufuma mu nzubo ne ku muzhi.'" Bushe mwakonsha kulanguluka, wafwaijilwe kwikala Mwinakilishitu walumbuluka, awo wakonsha kusenda mulaye ne Kyambo kya Lesa kabiji ne kwikitaya ku kipaka kya ngulu! Booba byubilo nobe kechi bakeyapo ku Buchibishi bwamambo ne. Bino Lesa ukaleta kyafyamika kyonse mu Kinje. Abo booba nobe kechi kujipo Lesa ne.

¹⁷⁵ Amiwas kechi nakeba kwibatela mba bakosama ne, mambo Babibolo waamba mba wacosama . . . kechi kiji bulongo ne. Yesu waambile mba kechi kiji bulongo ne. "Kechi mutele muntu nangwa umo mba wacosama ne." Bino mu Masalamo 14:1, "Aye wacosama waamba mu muchima wanyi mba, 'Kechi kuji Lesa ne.'" Mwamona? Abo—abo kechi . . . Amiwa kechi nakeba kwibatela mba bakosama ne, bino byubilo byaabo booba nobe byo babji. Booba byubilo nobe byo kiji.

¹⁷⁶ Nanchi, mwamona potuji mu buleelo, nobe, "Kechi kujipo Lesa ne." "Amiwa ne wa ku kipwilo!" Kabiji bonsetu, bintu byonse, Baibolo, ke kintu kisekesha bingi. "Kipwilo kyetu kyayuka kobabena kuya!" Ee . . . [Kafwapo kiji pa tepu ne—Waku.] . . . kuyatu mu kalunga kabafu, kyakine. Monka mujishinda jabo, na kupita mu saayasi ne kufunda, masukuulu a mamboawama ne bintutu bikwabo, na kwibitulwilatu monka mu mukwakwa. Aye Mupashi Wazhila kechi ujipo na jishuko ja kupana lumwekesho pabula kintu ne; sukuulu wa mamboawama wi kichibako.

¹⁷⁷ Aye Mupashi Wazhila ye wakwitungijila; kechi sukuulu ne, kechi mambishopu ne bakulumpe ne, ne bintutu bikwabo. Aye Mupashi Wazhila ye Tangi wetu.

¹⁷⁸ Kaina wajinga muntu wamusango yewa. Aye wajinga wa byubilo bya bupopweshi bingi. Pano, inge bupopweshi kyo kyonka kyo wafwainwa kwikala nakyo, nanchi Lesa wajinga wabula koloka pa kuzhachisha Kaina. Mambo, aye wajinga wa bupopweshi, aye wajingatatu wa bupopweshi kabiji wabukishinka nobe byajinga Abela. Pano vulukai, aye walangulukilenga pe Lesa, aye wamupopwejile Lesa, aye wajinga na kipwilo, aye wanshimikile kya kusokelapo bitapisho, ne kupana kitapisho, aye walombelenga, aye wapopwejilenga, bino nangwa byonkabyo bamukaine. Nangwatu obe byepi. . . Isao byo ajinga, ne aye. Mwamona?

¹⁷⁹ Bupopweshi, monai, awe ke mwingilo wakwa Satana; kechi kwipaya bintu byonse ne, pakuuba kubikamotu byatama. Byo byonka. Aye kechi wakonsha kwipaya kintu kyonse ne. Oo, kechi

ma komyunisiti ne; ine, ine, antkilishitu kechi komyunizimu ne. Aye Baibolo waamba mba, “Bakajimbaika Basalululwa inge kya konsheka kubiwa.” Kechi mumone kipembe kya kyela kya kapotwe ne, pakuuba yenka wachiluluka. Uu-uu.

¹⁸⁰ Bino, monai, Kaina wayishile na kupopwela, bino wajinga na lukunwa watama mwi aye, lukunwa wa muloolo. Awa mulozhi wa muloolo wa mumvumijile, mambo aye wajinga lukunwa wa mwanamukazhi. Aye wayukile kyalumbuluka kya Lesa, bino aye wakaine kwikyuba. Bushe mwayuka kyokyo nyi? Satana wayuka kyaswa muchima wakwa Lesa, bino wakanatu kwikyuba.

¹⁸¹ Monai, aye wamwene Lesa washinikisha mbila ya kwa Abela. Pano Nasaka namba mulanguluke, ingijishai Kisuso kya ndangulukilo ya muntu pa mineti umo. Abela mbila yajinga yaoloka, ao Lesa yo ashinikishe kwikala Bukine! Anweba mubena kukwatakanya nyi? Uu-uu. Abela mbila yanji yatambwijilwe, kabiji Kaina wikimwene ne kuyuka mba Lesa washinikishe aya mbila kwikala bulongo. Bino kechi wakonsheshe kwikyuba ne. Bwitote bwanji bwa mukainye. Abyo ibyo, nkebelo yanji ya mukainye kubula kwikyuba. Aye wamwene Lesa washinikisha mbila.

¹⁸² Nanchi kyamweka byokiji ne kino kimye, kyakosa bingi ku bantu pa kwikepesha abo bene ku Kyambo kya Lesa. Abo—abo—abo kechi bakeba kwikyuba ne. Abo ke bekepesha abo bene ku mafunjisho a kipwilo, kine, bino kechi ku Kyambo kya Lesa ne.

¹⁸³ Inge mubena kukeba kutana kikye, mwaya ku. . .Njina Binembelo papo, abyo byo Mbena kutazhako papo. Ntendekelo 4:6 ne 7, Lesa waambile kwi Kaina, amba, “Mambo ka kilungi kyobe byo kyaponesa? Mambo kyo wayujilamo bukaji, kwenda na kuzhokoloka? Obewa wajikumvwatu mbila yatamisha muchima obe.” Waambile mba, “Kyawama, kika kyo ubila kyokyo? Mambo ka bilungi byenu kyo byaponesa, mambo Amiwa kechi naishile ku kipwilo kyenu nenyi? Nanchi kika kyo wajikwikyubila?”

Obewa ubena kwingijisha Kisuso kya milanguluko ya muntu? Mwamona?

¹⁸⁴ Nangwa, “Kika kyowabujila. . .Kika kyo ubena kumwekela byobyoy?” Waambile mba, “Inge wakonsha kuuba bulongo, yanga ukobe bibena kuuba mulongo obe kokwa, Amiwa nkakutambula ne kukupesha. Amiwa kakubila kintutu kimo.” Bino aye kechi wakonsheshe kwikyuba ne. Aye waambile mba, “Pano, inge wabula kuuba byobyoy, ubi bwakubula kuketekela bwakubelamina pa kibelo.”

¹⁸⁵ Pano umvwe betubula mba, “Moba abya kukumya apita,” bekimona kyashinikishiwa bulongo kabiji kyaitabilwa, mwamona, byonse bye bintu Lesa byo alaile mba Ukebyuba mu moba apelako, a Lumwekesho 10 ne Malakai 4, byonse bye bintu

byashinikishiwa bulongo, lukatazho luji kwepi, balongo? Kika kyatama, mwamona?

186 Inge babula, kubula luketekelo, abo ke bubu...Kujitu bubu bumo, abo, kubula lwitabilo. Abyo ibyo. Obewa kechi wazhatwa na mambo akuuba mba utoma ne, kupepa, kunyeuna, kumvwala tuputula, kuuba kyonse kyo uba ne. Ine, abyo kechi bikuzhachisha ne. Ke mambo akuuba mba kechi waketekela ne. Inge waketekela, kechi wakonsha kuuba kyokyo ne. Mwamona? Waketekela kechin uba byobyo ne. Aye utola Kisuso kya milanguluko ya muntu, monai, monai, nangwa Kisuso kya milanguluko ya mwanamukazhi, nangwa pakimo. Kijitu bulongo. Bino, mwamona, bubu bwabelamina pa kibelo.

187 Pano monai byaubile kyokyo kwi Kaina, kabiji kikekala musango umo leelo. Kyalengejile Kaina kunyema, kulenga mambo amulupata. Aye wakakelwe kukokela kya mu lupata. Muntu yense ukekalatu mu musango umo. Wakakelwe kukokela kya mulupata panyuma yakumona mbila yakwa Abela yashinikishiwa na Lesa, amba kyajinga bukine, bino wakana kwikyuba. Waubile kintutu kimo. Ponkapa aye wakilukile mulaini walwabano.

188 Kuji mulaini ye wakonsha kukilang'anya. Mwayuka kyokyo, kechi ibyo nyi? Pano, bamwingilo, bonse baji kuno ne kokwa ku—kubaji muntanda ya telefoni ako kubena kufika kuno kwamba pa waileshi mwaya kyaalo, bushe mubena kuvuluka kyokyo nyi? Inge mwikimona amba Kinembelo, kabiji mwabula kwikyuba ne, Lesa kechi ukoba kimye kyonse ne...Aye ukoba...Oo, obewa ukatwajijila, na kupeshiwa. Nanchi yense wa mu Isalela, baikele monka mungyetu, kabiji ne kukomesha baana, bijimwa, ne kupeshiwa, kabiji ne bintu byonse, pakuuba “yense mwiabo wajinga waabanwa Peenape ne Lesa.” Yesu waambile byobyo. Oo, ee, Lesa ukakupesha kuyatu kulutwe, bino obewa waya. Kyakine. Abyo byo byaamba Baibolo, abyo byo Aambile. Monai, wakonsha kukilang'anya mulaini wa lwabano. Mwaketekela kyokyo nyi? Kaina wikyubile.

189 Twayai—twayai tuzhikule papo mineti umo, Njina Bahebelu 10:26. Twayai tumone kana Nakonsha kutana papo bukiji bukiji. Aye Buuku wa Bahebelu, kyapitala kya bu 10 ne...Naketekela, veeleshi wabu 26. Amiwa ne kinemba papo. Pa mineti umo, inge mwakonsha kundekelako mambo amiwa, kabiji twayai Twikitange mumineti umo. Kijitu bulongo, tuji pano.

*Mambo inge twalenga mambo a mulupata byo...
twatambula maana a bukine, kechi kwakishala
kitapisho kikwabo kya bubu ne,*

*Poso luketekelo luleeta moyo lwa kuketekela
luzhachisho ne mujilo wakatazhatu ukebaja balwanyani.*

190 Akyo kuuba mba ABYO BYOBYAAMBA KYAZHILA KYAMBO KYA LESA. Inge twalengelula mulupata panyuma

ya Kwikimona ne Kwikyumvwa, nishi twakilang'anya mulaini. Kechi kukekalapo lulekelo lwa mambo pa kikyene, obewa wakilang'anya mulaini.

“Oo,” mwaamba mba, “Lesya ukipeshatu.” Oo, ee.

¹⁹¹ Vulukai Isalela, ba *kumupaka*, kimye Lesya kyo ebapele mulaye, wa momwa mu Ntanda Yazhila, aya... mu ntanda, yajinga yawama, ya mukaka ne buki, kabiji kimye Mosesa kyo atumine Kaleba ne Yoshiwa, ne bakwiyendela ntanda, kuya konka, na kukikizha ntanda, kabiji babwezhezhe bukamonyi bwashinikishiwa, jikumi ba mwiabo baambile mba, “Atweba kechi twakonsha kwikyuba ne, atweba kuuba twauba ne, monai pa kyashupile kokwa, tukekala bakwendelekwa, tuji na bibye bintu bicheche bya kulwa nabyo, monai byo bajinga nabyo, atweba—atweba kechi twakonsha kwikyuba ne, kechi twakonsha kwikyuba ne.”

¹⁹² Yoshua ne Kaleba baambile mba, “Twakonsha kwikyuba, Lesya ye walaile.”

¹⁹³ Kabiji, vulukai, babwelele kunyuma. Akyo kyajinga pa Kadeshi-beleniya. Kabiji babwelele lunyuma ne kwikala bakang'enda mungyetu. Kabiji bosentu bafwile, kabiji bataika Peenape. Yesu byo aambile.

¹⁹⁴ Kechi wafwainwa kukilang'anya mulaini wa lwabano ne, mwamona. “Inge wayuka kuuba bulongo, kabiji wabula kwikyuba, kwi obewa ke bubi.”

¹⁹⁵ Isalela waubile kintutu kimo. Panyuma ya kumona Mosesa washinikishiwa, kabiji pano balekele Balamu wibasasa, awa Lukunwa wawama washinikishiwe. Kafunga, obewa kechi (wafwainwa) kwambapo kintu nangwa kimo kyatama pa kikyene Kyambo ne. Monai pe Balamu, aye wajinga ngauzhi, kabiji wamwene Lukunwa wa Lesya washinikishiwa. Bino monka mwaila bukata bwa dinominesheni yanji yo aikelemo, Moabu wamwene aja jibumba ja bakang'enda kwiya kupita mu ntanda, aye wibasashile, ne kwamba mba, “Kyawama, pembelaiko mineti umo. Atweba bonse twibena Kilishitu. Atweba bonse twi baitabila. Mambo ka, bashakulu betu kabiji ne bashakulu benu bajitu pamo. Bushe kechi twi baana bakwa Lota nenyi? Bushe Lota kechi wajinga mwipwa wakwa Abulahama ne? Bushe atweba bonse kechi tujitu pamo nenyi? Twayai twisongole atweba bene na bene.”

¹⁹⁶ Kabiji Isalela, nobe Eva mu bujimi bwa Edena, walekele Satana wamusasa, ne aye wasashile Isalela kupichila mu ngauzhi wabubela. Kimye, ngauzhi wakine kyo ajinga nabo, na Kyambo kya shiniikishiwa. Bino mwaila milanguluko ya maana a kufunda, wibasashile. Langulukaipo pa kikyene. Bino, kechi kyalekejlwe ne, abwa bubi kechi bwalekejlwe ne.

¹⁹⁷ Aya kunwa wabolejile monka mujishinda ja mwingilo, mu mukwakwa wa kuya mu ntanda ya mulaye. Bonsetu baonaikile

ne kubola, monka mu ndonda ya kipwilo, mu mulaini wa mwingilo, na kulondela Lesa. Kabiji balekele Satana wibasasa akwa kusasa kwa maana, kufunda, milanguluko ya kufunda, na kwamba mba, “Kika, atweba bonse tujitu pamo, atweba bonse twi baana bakwa Lesa.” Anweba kechi byo muji ne! Bino balekele yewa mufunjishi wa bubela kwibasasa na milanguluko ya kufunda yo Ajinga nakyo.

¹⁹⁸ Kabiji kijitu pamo nobe Kinje kya Bupopweshi byo kibena kuba pakino kimye, monai, kintutu kimo, “Kika, atweba bonse twakwatakana pamo mu bu kabungwe kakatampe.” Ntachikilo yonse ya bukabungwe ke yakwa diabola. Ke kiyukilo kya lukinyama, mu Baibolo. Amiwa njina buuku pa kikyeye, katatakatu, inge Nkambo waswa.

¹⁹⁹ Monai, mu kimye kyakwa Nowa, pakumona Kyambo kyashimikwa, ke kitupauke pa meema. Pano lekai ng’ambepo ng’ambilo icheche papo, Kyambo kibena kubikwa pamo mukuleta kwalulwa kwa kufuma panshi kuya mwiulu. Byo bamwenenga akya kyalengwa; bino na milanguluko yabo yabuntu, bebasekele pa meso akwa ngauzhi, Nowa, byo aawilenga na mambo a kimye kya kupelo. Bino kyaubile kika. . . Akya kishimikwa kyalengelwe na Kyambo kya Lesa, kubikwa manenekela mukachi ne pangye, na milombelo ne lwitabilo. Kimye kyaishile mvula, yonse milanguluko ya bupopweshi a maana a buntu afwile ne kubolela monka mu. . . monka mu bipwilo byabo, ponka pantanda. Kabiji bwato bwatumpaukilenga peulu ya byonse. Awa lukunwa wakisaayasi wasaashilwe wabolele mu buchibishi bwamambo.

²⁰⁰ Kika kyo tubena kukeba kuuba, nangwa byonkabyo? Bushe tubena kukeba kwikajika kipwilo kyetu nangwa tubena kukeba kwikajika Kyambo kya Lesa? Kika kyo tubena kweseka kuba? Kika kyo tubena kwingijilapo? Tubena kweseka kubwezha bantu mu Kikyeye? Kika awe Eva mukatampe kyo abena kweseka kuba mu ano moba apelako, akye kipwilo kya bu Eva?

²⁰¹ Amiwa nsakuleka ponkapotu, mulongo, mambo ke—ke kipwe kimye. Paikotu pepi nobe mamineti fifitiini, kabiji Amiwa nsakuleka pa—pa Binembelo byami papo. [Mulongo umo waamba mba, “Kinetu, twajijila.”—Waku.] Ee. Kijitu bulongo. Nayuka. Kyawama, bantu kape babena kukeba kutwela muno ne kuwamisha muno. Bino Amiwa kyamweka nobe kyankosela bingi pakuuba mba ndeke. Amiwa nsakupelawizhako. Kijitu bulongo.

²⁰² Talai, wakisaayasi mukatampe, wafunda, Eva wamvwangakana leelo, watelwa mba kipwilo, kika kyo abena kukeba kuuba? Bushe ubena kweseka kutumbijika Kyambo kya Lesa, ne kuleka bantu bauba monka mo babena kubila nyi? Abo kechi babena kwingijisha Kisuso kya milanguluko ya bantu ne, nangwa, Kisuso kya kwa Lessa. Monai kyo babena

kusema. Abo babena kwitumbijika abo bene. Kipwilo kiji, mu musango wakyo wa lukunwa walemana wa tanchikilo ya maana, kyalengela mutundu yense wa muntu waikala na bulubi bwakisaayasi bwa kya Kyambo kya Lesa. Pano Nsakukwachijila yoyo ng'ambilo, Amiwa kechi nsakutwajijila kimye kyabaya ne, pakuuba mba mpwishe. Bulubi bwakisaayasi! Kimye Lesa, ponka pano pantanda, kasa abena kuuba bintu byo Abena kuuba, kupichila mu Kyambo Kyanji kyalailwe, kabiji abo be Kisula ne kufumako mambo baji na bulubi bwakisaayasi. Bulubi bwakisaayasi!

²⁰³ Amiwa na kumwemweselenga mambo a Mulongo Williams kuno, kyanembwa papo pa kipepala, "Obewa wakonsha kwikala pakyokyo mute uno yense," kintu kimo. Bino, Nasata pa kyokyo, akyo kyawama bingi. Mwamona?

²⁰⁴ Bino bantu ba—babena kulenga mambo a mulupata. Kyaleta aya—aya tanchikilo yonse ya kipwilo kya ntanda leelo kyatwela mu bubu bwalupata kwi Lesa. Kika, byubilo byaitabilwa bikashinikisha kwi anweba mba Kijitu bulongo. Kijitu bulongo. Kipembe kyalwiso kyavwetwa pa meso anji, ku Kyambo kya Lesa, kabiji witana aye mwine uji bwamba ne jikwabo. Mwayukatu, Lesa, mu Lumwekesho 3, waamba mba, "Iya, upote muchi wa pameso obe kufuma kwi Ami, pakuuba mba meso enu alabe." Monai, Muchi wa mumeso ke Kyambo Kyanji.

²⁰⁵ Mwayukatu, baamba mba, "Kyawama, awe muntu wafunda pa myaka foote, pakuuba mba ekale na madigili anji. Aye uji na B.L.D., D.D., kabiji ne byonse bye."

²⁰⁶ Mwayuka byaambile Yesu pa kyokyo? Aye waambile mba, "Lekai muntu ekane ayemwine." Paulo byo aubile.

Mwaamba mba, "Akyo kechi kyalumbulula kyokyo ne."

²⁰⁷ Kyawama, kika Paulo byo ekilondejile, nanchi? Aye waambile mba, "Amiwa kechi naishile kwi anweba na byambo bya maana a muntu ne, mambo mwakonsha kushimika luketekelo lwenu pa kyokyo. Bino Naishile kwi anweba mu bulume ne mu kusololwa kwa Mupashi Wazhila, amba kyambo kyenu kikale. . . lwitabilo lwenu lwafwainwa kushimikwa mu Kyambo kya Lesa, kechi kusololwa kwa maana ne."

²⁰⁸ Kyamweka mba bantu bataya byubilo byabo byawama ne byaitabilwa. Kechi baji nobe byo baikalanga kala ne. Kyaikalanga mba, inge ngauzhi waamba mba, "ABYO BYOBYAAMBA AYE NKAMBO," bantu bazakama. Ee, kine byo baubanga. Bantu basukenanga, mambo bajinga na moyo. Pakuuba kino kimye bataya moyo wabo yense wa Kikyee. Abo kechi banchina Lesa ne.

²⁰⁹ Solomoni waambile mba, "Awa—awa moyo wakwakamwa Lesa yo ntendekelo ya maana," ke ntendekelotu ya kikyee.

210 Bino ngauzhi wakonsha kwamba mba ABYO BYOBYAAMBA AYE NKAMBO, bantu baamba mba, “Kechi muji maana ne!” Monai, kechi kujipo luketekelo lwabo ne. Kiji, bamba mba, “Kika, twi bantu bajimuka. Atweba twi bafunda, atweba kechi twafwainwa kusenda bintu bya yewa musango ne! Twayuka kyo tubena kwambapo!”

211 Kiji ne mu kishipi kyakala, amba, “Bakosama bakenda na sapato yalepuluka, apo Bamalaika po bachina kunyata.” Kyakine.

212 Pano, nga kwaluluka kokuka? (Bukiji bukiji.) Twikutambula byepi? Kika kilengela kwaluluka? Lesa wikyuba kupichila mu Mupashi wa Kyambo Kyanji. Aye walulula. Aye ubyala Lukunwa Waji, utayapo Mupashi Wanji pe Akyo, kabiji Uleta kyokya kintu. Mupashi Wanji Wazhila walulula Lukunwa wa Kyambo pakuuba mba ashinikishiwe amba Kyamuyewa musango.

213 Musango ka wa lukunwa ye ujimo, ao umweshwa biji mwi obewa. Obewa kechi wakonsha kwikifya ne. Kyonse kyo uji mukachi, kimweshwa pangye. Obewa kechi wakonsha kwikikanya ku kikye ne. Kuuba mwalenga akya kichi mu kiji kyonse ne kanatu kyonka byokiji. Monai, ki—kyafwainwa kwikala muyewa musango. Aye Mupashi Wazhila walulula kunwa iji mukachi kayo. Nangwatu ekale lukunwa wa musango ka, Ukamwalulula. Inge kyatama, kikaleta kyatama. Inge kyaikala bukafutufutu, kikaleta bukafutufutu. Inge kyo Kyambo kyakine kya kwa Lesa, Kikasemununa mwaana wamulume wa kine nangwa wamukazhi wa kwa Lesa, mu Kisuso kya milanguluko ya muntu. Inge Lukunwa wamena, Waiya kupichila mu Kyokyo, Ulupula mwaana wamulume ne mwaana wamukazhi wakwa Lesa.

214 Juba jimo ntanda po yaikele mufishi ikatampe yakivundakanya, Lesa... Pano telekai bulongo, mambo kechi tusakwamba ne... pa kimye kyabayako pacheche. Talai. Juba jimo kimye ntanda po yajinga mu misango yonse ya bumpopweshi, komvwa naboko, mipika, kumvwala mikukumba yapusanapusana ne mipenyi, kabiji nebikwabotu, byaikajile mukachi ka kivundakanya kikatampe. Isalela wakine wa kwa Lesa wajinga watwalwa mungi kufuma ku mizhilo ne malamuna a kwa Lesa, Yesu waambile mba, “Anweba, na bisho byenu, mwalengela Kyambo kya Lesa kyaikala kyabula bulume ku bantu, monka mwaila bisho byenu.” Kabiji ne kumona boba mapulisiti bazhila, byo bebatela; kabiji Yesu waambile mba, “Anweba mwiba kwa shenu, diabolola, kabiji ne mingilo yanji yo mubapo.” Monai, abyoye kine Aye byo aambile.

215 Pano ntanda byo yaikele mu yewa musango wakaswa, Mupashi wakwa Lesa waendelenga jibiji pa Lukunwa watongwejlwe jimo. Aye watutulwile ne kwalulula Isaya 9:6 wa mu mulaye Wanji; Aye, Lesa, walengelwe mu bumuntu, pakuuba mba apulushe kimye kyamakatazho. Kimye muntu kyo

alengelwe mu kipasha kya kwa Lesa, Lesa ke eye, kupichila mu ngauzhi kumumwena jimo. . . Pano vulukai Kyambo, ngauzhi wikimwenejile jimo, yenka umo ngauzhi wamwene Satana muano moba akupelo, mwamona, na yuwe mutanchi wa bya kufunda ne bintu bikwabo aye byo aji nabyo, mutanchi wa bupopweshi. Ngauzhi umotu, Isaya 9:6, waamba mba, “Kwi atweba Mwaana wasemwa, kwi atweba Mwaana wapewa; kabiji Jizhina Janji jikatelwa mba ‘Upana maana, Aye Mfumu wa Mupende, Aye Lesa Wabulume, Aye Shabatu wa Myaka.’ Kabiji namambo a bumfumu Bwanji kechi kukekalapo mpelo ne.” Kabiji akya Kyambo ke Kyambo kya Lesa. Kabiji Mupashi waendele pa kyokya Kyambo, kabiji Kilengele munda mwa kisungu. Amena. “Aye Mwaana wasemwa,” kechi kulengwa ne, “kusemwa.”

²¹⁶ Satana waesekele ne kweseka jikwabo, na Kwikisasa. Aye wamusendele Aye ne kwamba mba, “Inge Obewa uji byonka byo Waamba mba Byo uji, nanchi ngubilepo bimo bya lubuko. Mwesheko Amiwa byo Wakonsha kwi kyuba. Alula yuwe, shinkwa, ne ao mabwe ke shinkwa. Lenka kumone Obewa witaye, mambo Kinembelo kyaamba mba Obewa ukekuyuba.”

²¹⁷ Mwibamona badiabola babupopweshi leelo bakyambatu kintu kimo nyi? “Inge pajipo kintu kimo kiji nobe lubuko lwa Bulesa; pano paji Mulongo *Kananga-ne-kananga*, twayai tukumone obewa umubuke.”

²¹⁸ Awa diabola umo waimene pa musalabu wakwa Yesu, ne kwamba mba, “Inge Obewa wi Mwaana wakwa Lesa, ikila ku musalabu.”

²¹⁹ Akyo Kyambo kyaamba mba Aye wajinga Mwaana wakwa Lesa. Aye Mupashi washinikishe mba Aye wajinga Mwaana wakwa Lesa. Isaya 9:6 wafikizhiwe. Kabiji bufuku bukwapo, anweba bavula muji pa waileshi mwaumvwine byo twapaine sikisite-ne-bikwapo Binembelo, Pepitu, byo Naketekela, pa kushinikisha mba Kinembelo kyaamba mba Awa wajinga Iye.

²²⁰ Oo, Satana waesekele ne kweseka jibiji, bintu byonse. Bufuku bumo, kasa alala kunyuma ya bwato, wamumwene Aye walala mutulo. Kabiji waambile mba, “Amiwa Nsakumonauna ponka pano.” Bino aye kechi wikyubile ne.

²²¹ Aye waesekele ku mweseka Aye mba obe kintu kiyatama, bino kechi wakonsheshe ne. Kika? Aye wamusashile na kukanya kwa kusalulwila jimo. Abo kechi bakonsha kujimbaikwa ne. Ine, ine. Akyo Kyambo kyaambile mba Ukekala konka. Amena. Kechi kujipo diabola wa kumukatazha Aye ne, kabiji kafwako mukwabo mwaana wakwa Lesa ne, ao watongwelwa jimo kutola kifulo Kyanji ne. Aye bamusasa na kukanya. Satana bulembe bwanji, madokotala akidominesheni kechi akonsha ne kumukwata Aye ne. Aye utwajijilatu kuya kulutwe, kafwako

nangwa kimo kyakonsha kumukatazha Aye ne, mwamona. Kechi kijipo na kintu kimo pe Aye ne.

²²² “Kyawama, Amiwa kakulenga Obewa kwikala bishopu wa ntanda yonse. Amiwa njina lusa pe ayo. Inge Obewa wakonsha kupopwela ami, iya wikale ku jimba jami, Amiwa—Amiwa kakulenga Obewa kwikala mfumu. Amiwa kafumapo, ne kukulekela Obewa waikalapo.”

²²³ Aye waambile mba, “Bwelai kunyuma Yami, Satana. Kyanembwa mba, ‘Obewa u kamupopwela Lesa, kyo Kyambo, kabiji Aye yenkatu ukamwingijile.’” Nanchi juba jimo. . .

Pa yuwe Muntu mukatampe, Nakonsha kutemwa kwikalapo kakimye kacheche.

²²⁴ Bino juba jimo, Mupashi wamukwachile Aye jibiji; mambo pajinga Kyambo kimo kyanembejilwe Aye, kyafumine kwi Lesa, kupichila mu ngauzhi, “Kabiji Aye watangijilwe kuya na kwipaiwa, nobe mwanamukoko.” Kabiji Mupashi waishile pe Aye, kabiji wamutangijile Aye, kabiji Wamutumine kuya ku musalabu wa ku Kalvali. Konka kwa Aye wafwile. Kabiji ne byonse bya ambiwepo pe Aye mu lufu Lwanji, byafikizhiwe, mu kuleta Kyeya ne Bumi ku yense Lukunwa watongwejlwe jimo Lukunwa wa kwa Lesa awo wajinga pantanda. Aye waletele jishinda ja kwikyubilamo. *Uno* ye Lukunwa, Mupashi uleta Bumi; na kwalulula baana babalume ne babakazhi ba kwa Lesa, kufuma mu ntanda mu kikye kimye kyafishi, mu kwikala baana babalume ne babakazhi ba kwa Lesa.

²²⁵ Kechi mwitutule pa kyokya kyambo kya “kutongwelwa jimo ne.” Nayuka mba mwauba. Bino, telekai, Kechi kyo kyambo kyami ne. Ke kimo kya Byambo byakwa Lesa. Mubena kukeba kwikitanga, tangai Efisesa 1:5, akyo, “Aye witutongwejile jimo kwitwalula ke baana monka mwi Yesu Kilishitu.” Mwamona?

²²⁶ Lekaitu chibakanyepo mumineti umo, mu ka, kamineti kamotu, mu kukasulula kikye mu milanguluko yenu. Talai. Byonka byo wajinga mu bashobe, ku ntendekelo, kakishi ka lukunwa. Bushe mwayuka kyokyo, anweba bonse nyi? Anweba mwajinga mu ba nkambo-yaba nkambo yanji-yaba nkambo yanji-yaba nkambo yanji, ne abo, mwayuka kyokyo nyi?

²²⁷ Tangai Buuku wa Bahebelu, mo twatana kuuba mba Levi wapaine bya bujikumi kimye kyo ajinga mukifuka kya kwa Abulahama, bisemi foolo kunyuma yanji. Kimye Abulahama kyo apaine bya bujikumi kwi Melekizendeke, kya mutelwe kwikala mukatampe-mukatampe-mukanununa kulutwe yanji, kabiji pakyokya kimye wajinga mu kifuka kya kwa Abulahama. Abo byobyoyo kiji. Mwamona?

²²⁸ Obewa wajinga mukifuka kya bashobe, bino bashobe kechi bajinga na lumwang’ano lwa bupopweshi ne obewa ne poso byo waalululwe kwikala mu mubiji wa nyama ne mashi.

229 Mwaana wami awa wajinga mwi amiwa. Na—Na—Nakebele mwaana, bino wajinga mwi amiwa pa kyokya kimye. Mwamona? Aye wajinga mwi amiwa pa kyokya kimye. Pakuuba kupichila mu musongola, waalululwe ke muntu nobe amiwa, kabiji nanchi waikele nobe amiwa.

230 Kabiji obewa waikala nobe basemi yobe, monai, mambo kyajinga mwi obewa, kya kutatwilapotu. Pano inge atweba twi baana bakwa Lesa, milanguluko Yanji. . . Akyo, obewa wi mulanguluko wa bashobe, kechi bainobe ne; bashobe. Kakishi kekala mwi taata. Mwamona? Kabiji pano ba inobe bajinga munda mwasendelwe obewa, kusenda lukunwa wa bashobe. Mwamona?

231 Kabiji ntanda, ku mubiji, ne ayo ke munda mwasendwa lukunwa wa Lesa. Monai, byokatu byokiji. Kechi ntanda ne, ntanda ikatampe bingi; byo biji ne bukata bwa Lesa wi ilengele. Mwamona? Mwamona?

232 Pano umvwe wi mwaana wamulume ne mwaana wamukazhi wakwa Lesa, nanchi obewa wajinga mwi Lesa kuntendekelo. Obewa wi wamumulanguluko Lwanji. Inge obewa kechi wajingako pakyokya kimye ne, nishi obewa kechi wajinga ne nangwa kechi ukekala ne.

233 Mambo, Amiwa kechi nakonsha kusema ne, kufuma mukifuka kyami, mwaana wa yuwe muntu *papo* nangwa yewa muntu *popa*, Nakonsha kusematu baana bami, kabiji bakonsha kusemwa mu kipasha kyami. Aleluya. Mwi kimona nyi?

234 Baana babalume ne babakazhi bajinga mwi Lesa pa ntendekelo. Pano talai. Anweba muji na Bumi Bwapeenape, byo mwamba. Atweba twikiketekela, mba tuji na Bumi Bwapeenape. Kyawama, kujitu musango umo wa Bumi Bwapeenape, kabiji awa ke Lesa. Akyo kyonka kintutu kiji Peenape, ke Lesa. Nanchi inge uji na Bumi Bwapeenape, abwa Bumi buji mwi obewa bwajinga mwi obewa kimye kyonse, kabiji obewa wajinga mu kifuka kya kwa Lesa kasa kukyanyye kwikala ne ntanda ne. Kabiji umvwe Kyambo Akyokine. . . Yesu Ayemwine watelwa mba Kyambo, kabiji mu Yoano Wazhila 1, waamba mba, “Muntendekelo mwajinga Kyambo, ne akyo Kyambo kyajinga na Lesa, kabiji akyo Kyambo kyajinga Lesa. Kabiji akyo Kyambo kyamwekele ke muntu ne kwikala wayikele muno mwetu.” Apo po wajinga mukifuka kya Yesu, kabiji wayile ku Kalvali Nanji. Obewa wafwile ne Aye, kabiji obewa wasangwilwe Nanji pamo. Kabiji leelo twaikala mu bifulo bya Mwiulu mwi Aye, twayuzhiwamo na Mupashi Wanji, baana babalume ne babakazhi bakwa Lesa. Ne kufwa Nanji, ne kusanguka Nanji. Kine.

235 Pano nanchi, pano, obewa wakonsha kwikala mulumvwang’ano lwabupopweshi Nanji. Obewa kechi wakonsha kuyuka kokwa kunyuma ne, mambo obewa wajingatu

Kyambo mwi Aye, lukunwa. Bino pano Aye wakusolola obewa, kabiji pano Aye ubena kukeba obewa kwikala mulumvwang'ano lwabupopweshi ne Aye. Pano Aye wayishile panshi, walengelwe ke mubiji wa nyama ne mashi pakuuba mba Aye ekale mu lumvwang'ano lwa bupopweshi lwa lumbuluka. Monai lumvwang'ano lwa bupopweshi lwalumbuluka? Oo, ami, abya byafyamika byazhika bya kwa Lesa! Byo kyawama! Monai, Lesa kechi wakonsha kwikala na lumvwang'ano lwabupopweshi mu Mupashi ne, nanchi Lesa waalukile ke muntu pamo ne atweba.

²³⁶ Yesu Kilishitu wajinga Lesa Ayemwine, wasololwa, mambo, Aye wajinga Mwaana mambo Aye wajinga yenka umotu wasemwa, bino wajingatu tente wakwikalamo Aye. “Kafwako muntu nangwa umo wamwenepo Lesa ne, kana yeka Umo Wasemwa kwi Shanji ye Wamusolola.” Lesa wamushimikijile Ayemwine nzubo, mubiji wakwikalamo, waishile pantanda pakuuba mba atweba twakonsha ku mukwata Aye. Timoti Mutanshi 3:16, “Kwakubula ne lupata ne, kyafyamika kya bulesa kyo kikatampe; mambo Lesa wa mwekele mu bumuntu, bamumwene kuba Bamalaika, waitabilwe panopantanda, watambwilwe Mwiulu.” Mwamona? Pano Aye. . .

²³⁷ Obewa byo uji mu mubiji, kabiji ne Aye kwikala ke mu mubiji, nanchi wakonsha kwikala mu lumvwang'ano lwa bupopweshi, mambo Aye wajinga ke lubaji lwa butemwe bwa Lesa. Lesa butemwe. Aboyo ibyo nyi? Kabiji Yesu wajinga lubaji lwa butemwe bwa Lesa. Kabiji alwa lubaji lwa butemwe byo bwamwekele, akya, awa wajinga Lesa Ayemwine; yonsetu milanguluko yatongwejiilwe pe Aye, yaishile kwi Aye, “Bonse Bataata bo Baapa, bakeya kwi Amiwa.” Kine, bafwaijilwe kutongwelwa jimo. Inge kechi kyajinga byobyo ne, kechi ukekalako ne. Byo byonka. Kyakine.

²³⁸ Pano twakonsha kwikala muluvwang'ano lwa bupopweshi, lwajinga kupichila mu—mu bunoshi bwa Kyambo Kyanji, kabiji amo mowaikala ke lubaji lwa kikye kibese. Obewa wi lubaji lwa Kyambo; mambo Aye wajinga Kyambo kuntendekelo, obewa kino kimye wi Kyambo. Mwamona? Amiwa mbeni kusapwila bufuku buno, nangwa Pamulungu nangwa juba jimo jibena kwiya ajo Jokatwelamo, pa byaamba Kyambo, mwamona. Kabiji pano obewa wi lubaji lwa Kyambo.

²³⁹ Telekai. Kujipo kintu kimo kyo Nakonsha kubula kuuba. Amiwa kechi nakonsha kwamba pa bashakulu bami ne. Ine, Amiwa napita mwalubakana. Ba taata bajinga bena Irish. Ba maama bajinga mwina Indian, mu Indian ujitu pakachi; ba inabo bajinga bena Indian, bapwisha mingilo. Pano, bonsetu, batomanga, bavula bafwiletu nasapato ku mauulu abo, na kulwa, kulwa na mata, ne bikwabotu. Amiwa kechi nakonsha kwambapo nangwa kimo pa kyokyo ne, mambo bashakulu bami kabiji ne kisemi kyami kyakatazha.

240 Bino, mulongo, pajipo kintu kimo kyo Nakonsha kwambapo, Nakonsha kwamba pe Nkambo yami Yesu Ao wakujiile. Na bulume Bwanji bwakwalulula wabyajile lukunwa, monka mukutongwela jimo, kabiji Amiwa ne Kimwene. Yenka Amiwa mwaanani pano? Ee. Nakonsha kwamba pe Aye. Kabiji Nataya myaka saate-fiili ya mu bumi bwami, na kwamba pe Aye. Inge Aye wakonsha nkupulusha amiwa pa myaka ikwabo saate-fiili, Nakonsha kweseka kwamba pe Aye kyabaisha. Mwamona? Nakonsha kwamba pa Mushakulu wami, aleluya, Aye wankujile ami ne kubyala lukunwa wa Bumi *mumwe*, kabiji lekai ntale panshi pa kikye Kyambo, kyatumwa panshi na Mupashi wani ne kwamba mba, “Akye Kiji pano. Ambai *kikye*, kabiji kikamweka. Ubai *kyokyo*.” Kabiji oo, ami, Nakonsha kwamba pe Aye! Wikyubile byepi Aye? Kupichila mu komvwewa kwa mu meema a mu Kyambo, meema a lwabano. Inge twakonsha kwikilondolola.

241 Batongwelwa jimo baitabila kyakine bakekala na Kyambo mambo abo ke lubaji lwa kyokya Kyambo.

242 Oo, tubaangabanga tupitang’ana, mukutwajijila na kwendauka bimye binga? Anweba ba Methodist, Baptist, Presbyterian, baji pangye, nangwa mwikale bang’anyi, tubaangabanga tupitang’anatu, kufuma ku kipwilo kuya ku kikwabo, kufuma kujishiki kuya pa kifulo, kabiji televizhonyi kuya ku televizhonyi, ntanda kuya ku ntanda, kika kyo mubujila kwiya? Aye ukeba kwikala na lumvwang’ano lwa bupopweshi ne anweba. Aye ubena kukabila anweba. Aye ukeba kukwalulula monka mu kusangululwa kwa milanguluko yenu, kechi ku kipwilo nangwa ku dinominesheni ne, kana ku Kyambo Kyanji, akyo, obewa wi lubaji lwakyo inge aya nkebelo iji mwi obewa.

*Batokwa booba bomvwa nzala ne kilaka kya bololoke:
mambo bakekuta. (Mwamona? Uu-uu.)*

243 Kabiji Aye watuma bulume Bwanji bwakwalulula, mu kukufumya obewa mu bobwa bulema bwa bupopweshi bo ujimo. Mu kikye kivundakanya kya bulema kyo tujimo, Lesa watuma bulume Bwanji bwakwalulula, Kyambo Kyanji, kyashinikishiwa, kyashininwa, mu kukufumya obewa mu bubwe bupopweshi bwalemana na bulubi bo ubena kwendamo, “uji mulekese, mpofu, muyaji, ne kwikiyukatu ne.” Kilangulukaitu, balunda.

244 Mwayukatu, Lesa watumine bulume Bwanji bwakwalulula na kufikizha Kyambo Kyanji, kabiji wapipwile mubiji yense wakwa Sala ne Abulahama. Wamwalwile mwanamulume mukote ne mwanamukazhi mukote, mambo Aye walaile mba Ukeyyuba.

245 Kabiji akya kyalaya Lesa kuuba, akya Aye ukeyyuba. Kechi kujipo kintu kimo, kiji kyonse... Kintu kyonse kyatwalwa mungi, Lesa kafwako kyo akonsha kuuba nakyo ne. Bino Aye ukalama Kyambo Kyanji, kabiji Aye ukatuma Mupashi

Wanji! “Amiwa Yehoba ne Kibyalala. Amiwa Kekitekezha mute ne bufuku, kuchiina kuuba mba muntu umo wakekinsopola kufuma mu maboko Ami.” Aye Baibolo waamba byobyoy.

²⁴⁶ Oo, tubaangabanga tupitang’ana, obewa uji na kukabila mu muchima obe! Wafwainwa kwikala nakyo, inge ne kechi wafwainwa kwikala muno lukeelo luno ne. Kabiji anweba kechi mwakonsha kwikala mu byobyoy bipwilo ne bishimikwa ne, ne bintu byo muji nabyoy, pangye ne kukilang’anya mwaya ntanda, inge Kintu kimo kechi kimutwezha momwa ne. Muntu umo waambile kwi obewa. Kechi wakonsha kuya kulutwe ne. Kuji komvwewa kwa mu meema a mu Kyambo, akakulengela kwikala watoka nobe sino. Oo, baana ba kwa Lesa, telekai! Kechi mwikale mu bobwa bulema ne. Fumaimo mwi abo. Abulahama waketekejile Lesa, ne kutela kiji kyonse kyapusanako . . .

²⁴⁷ Mwaamba mba, “Mwepi mo Nakonsha kwikela na bumi? Nakonsha kuuba byepi *kikye*?” Awo ke mwingilo wakwa Lesa. “Nakonsha byepi Amiwa? Balunda nami bakonsha kungalukilamo.”

²⁴⁸ Lesa waambile mba, “Aye ukakana ba shanji, bainanji, bakazhi, balume, mizhi, manzuboy; Amiwa nkebapa mizhi ne manzuboy, Amiwa nkebapa bashaboy ne bainaboy, ne balongo ne nyenga, mu ino ntanda, kabiji ne Bumi Bwapeenape mu ntanda ikeya.” Ke mulaye, mulunda. Amba, oo, ao wafwainwa kutekezhiwa! Yense mulaye Lesa ye alaya ufikizhiwa. Lukunwa yense wakwa Lesa ke mulaye.

²⁴⁹ Kabiji, nyenga, leka kutenda yoya suki, mambo kechi kyafwainwa ne ku meso a kwa Lesa. Lekai kumvwala abya byakuvwala, ke kyabunya kwi Aye!

²⁵⁰ Anweba balongo, anweba banabalume, lekai kutolako lubji ku ao madinominesheni, mu kuuba bibye bintu, kabiji ne kuleka bakazhi benu kuuba bintu bya musango yewa. Kechi kyafwainwa ne ku Benakilishitu.

²⁵¹ Bwelai ku Kyambo! Sendai kyokya Kyambo, Kikakoma. Kyafwainwa kukoma. Lesa bulume bwanji bwi Kiletele mu kimye kitanshi, Aye uji mu jishinda Janji na kubwela, ubena Kwibubwezha jibiji. Aye ubena kubwela jibiji konka ko bwajinga.

²⁵² Enoka watutulwilwe, kufuma ku lufu, na bulume bwa Lesa bwa kwalulula. Kika Lesa kyo aubijile byobyoy? Ke kipasha kya kushikulwa kwa Kipwilo kibena kwiya. Ee. Elaija naye kyajingatu pamotu.

²⁵³ Yesu mubiji wanji wasangwilwe panyuma ya kufwa. Kabiji mu kilende, Yesu mubiji wajinga wasangwilwe ku Kyambo kya Lesa; kabiji ne kwalululwa, kufuma ku bafwa, kipasha kya munyango, kuya ku kusangululwa, Mwaana wa Lesa watumbijikwa. Mambo ngauzhi, Masalamo 16:10, inge mubena kukeba kwikinemba, 16:10, waamba mba, “Amiwa kechi kaleka

mweo Wanji mu kalunga kabafu ne, nangwa Amiwa kechi nkaleka Umo Wazhila Wami akamone bubole ne.” Anweba Lesa!

²⁵⁴ Akyā Kyambo kyafwainwa kufikizhiwa, Ke Kyambo kya Lesa! Kibikai Mu muchima obe, inge ubena kukeba kuya mu Lapicha. Inge mubena kukeba kwikala Benakilishitu bakine, bikai kikye Kyambo. Nobe byonka byo Naketekela kyajinga Ezikyo, Lesa waambile mba, “Tola muvungilo wa buuku ne kumuja,” pakuuba mba ngauzhi ne Kyambo bekaletu kimo. Kabiji yense mulaye uji momwa wafwainwa kwisolola aye mwine, mambo ke Lukunwa wa Lesa mwine mutanshi. Kechi muleke umo wafunda masukuulu a mamboawama Ekifumye mwi obewa ne. Kechi mu muleke emusase na saayasi ne maana a butunshi, kabiji ne kufunda. Itabilai Lesa!

²⁵⁵ abulahama kechi wasendele kupesapesa kwa kisaayasi kwa mu juba janji ne, kwaamba mba, “Amiwa ne mukote kwikala na mwaana, Naya palepa bingi. Nauba *kikye, kyokya*, nangwa *kikwabo*.” Bino aye watelele kintu kyonse kyapusanako, na Kyambo kya Lesa, nobe kechi byo kyajinga ne. Kabiji aye kechi witutwile kumulaye wakwa Lesa ne, kupichila mu kubula lwitabilo; bino wajinga wakosa, kasa atakaika Lesa. Aye wayukile mba Lesa wakonsha kwi kyuuba Aye akyā kyo alaile.

²⁵⁶ Oo, baana bakupitang’anatu, balemekwa na bibapombapomba bya panopantanda! Bapitang’anatu banyenga, amba aa mampuzha ne mafwashi a inontanda a kusenda obewa! Kabiji, nyenga mutemwe, wakonsha kumona amiwa nobe ne kyela kyakala kya kukwachilako, bino juba jimo byo ukasambakana akyā kyasambakenepo Florence Shakarian bufuku bukwa; aye waikela mu uno lumu, ne aye, mu kino kifulo, nobe byo mwayuka. Umvwe wakumanya kyokyo, ukatana mba, kechi amiwa ne, pakuuba kikye Kyambo kijitu bulongo. Mfumaimo mo batenda masuki, aa mashitolo a mafwashi. Mfumaimo mu byobya bintu.

²⁵⁷ Kwaamba mba, “Kika kyo ubujila kwibafunjisha bintu bikatampe, bya kwikala *bibye*?” Tatulaitu na ABC’s obe, kabiji popo tusakwiya ku samushi. Mwamona? Obewa tatulatu kufunda, “ye mwingilo obe waitabilwa.”

Onkao mambo amiwa ne musashijila, balongo, na bya lusa bya kwa Lesa, amba anweba mwipane mibiji yenu anweba bene ke bitapisho byumi, byazhila, kabiji byaitabilwa kwi Lesa, ao ye mwingilo wenu waitabilwa.

²⁵⁸ Anweba ubaitu “mwingilo wenu waitabilwa,” Lesa ukalamawizha byonse byashala; monai, langulukaitu bintu byo mwakonsha kulanguluka anweba bene ne kwibyuba. Kechi kiji byobyo ne. . . Bushe kechi kyaitabilwa ne mwanamukazhi kwimvula aye mwine, kabiji walupuka kuya na kuuba byobya bintu, Baibolo kasa ekizhachisha? Bushe kechi kyaitabilwa ne mwanamukazhi kwitaya aye mwine mu bintu biji byobya nobe

byo tuji nabyo leelo, kabiji ne bibye bintu byonse, kabiji ne byonse bye bintu bya ku sukuulu, ne bintutu bikwabo, bino kasa byapusenamo na Kyambo kya Lesa? Mwamona?

259 Isaya byatunwa byanji, aye wajingatu muntu wa byatunwa byabula kutokeshiwa. Aye waambile mba, “Nkambo, Amiwa nji mukachi ka bantu baji na byatunwa byabula kutokeshiwa. Malwa ami amiwa mambo Namona Lesa.” Kabiji Malaika waishile, watola Mujilo, Mujilo Wazhila kufuma pa kitapisho kya kwa Lesa, kabiji wa alululwe mivumbo yanji; kufuma ku mivumbo ya muntu upitang’ana, ke ku mivumbo ya ngauzhi uji na ABYO BYOBYAAMBA AYE NKAMBO. Lesa bulume bwanji bwakwalulula!

260 Bafunji ba masabi aduleendi tweti, kabiji—kabiji ne booba bapitolweshwa bisapi byachiluluka, bya banabakazhi, kabiji ne booba bapwijile pamo pa lumu wapeulu ne kushika bizhilo, bamo kechi bafunda bulongo kya kuyuka kufwachika mazhina abo bene ne. Lesa wi balululwile kufuma ku bafunji bamasabi, kuya ku bafunji ba bantu; kufuma ku banabalume ne banabakazhi ba mukwakwa, ke bazhijikwa ba kwa Lesa, babula kufwa. Bulume bwa Lesa bwa kwalulula!

261 Paulo, membela wa kyokya kipwilo, Presbyterian, Methodist, Baptist, Pentekosito, nangwa kintutu kimo; waile mu mukwakwa, na mupashi wanji wa bukajimbulushi, amba aye wayuka byavula kukila pa bonse ba. Aye wafunjile kwi Gamaliela, umo mufunjishi wa bawamisha bajinga muntanda. Kika kyamwekele palwendo lwanji lwa kuya ku Damasakasa, na jibumba ja bantu baketekela Kyambo kya Lesa? Pa mukwakwa na kuya kokwa, bamuponeshe panshi, kabiji aye waumwine Mbila. Kabiji Kyamwalulwile kufuma ku membala wa kipwilo ne uya ku kipwilo; ku ngauzhi wakwa Lesa, ao wanembele Kyambo kya Lesa, mu Lulayang’ano Lupya. Kufuma ku membala wa kipwilo kuya ku wazhijikwa!

262 Oo, kabaangabanga kapitang’anatu, twyai twikileke. Mwaana upitang’ana, Lukunwa upitang’ana kufuma pa kifulo kimo ne kuya pa kifulo kikwabo, mu musango wanji walemana; aluluka, lukeelo luno, baana. Nasashijila ng’umvwai ami nobe—nobe muntu ubena kweseka kwimana pakachi ka bumi ne bafu.

263 Kwi anweba muji mu ntanda mwanungakana na waileshi, anweba mwaendauka kuya pa mpuzha, ne musashijila ikalaikotu mineti umo. Nayuka mba kimye kyapwa kuno ku Tucson nangwa, ndekelaiko mambo, ku Phoenix, kuji mamineti tweti kufika pa twelufu. Kabiji Naikala na babo bantu lukeelo lonse. Amiwa ne mufumya ku mingilo yenu ne bintutu bikwabo. Bino talai, mutemwe mulunda, wafwainwa kufuma kwi Lesa myaka ne myaka. Nemusashijila bwelai jibiji lukeelo luno. Kechi mwakonsha nenyi? Kuji mpuzha pa yoya Nsulo.

Mu kijilamo banyama kala kene, Nayuka mba
byokiji,

Awa Mwaana wasemenwe mukupulusha bantu
ku bubi bwabo.

Yoano Wamumwene kukitulu, Mwanamukoko
myaka ne myaka,

Oo, Kilishitu, Wapopelwe pa Kalvali.

Oo, Natemwa yewa Muntu wafuma ku
Galileya, wafuma ku Galileya,

Mambo Aye wangubila byavula bingi.

Aye wandekela mambo ami onse, ne kubikamo
Mupashi Wazhila;

Oo, Natemwa, Natemwa yewa Muntu wafuma
ku Galileya.

Musokeshi waile na kulomba mu tempo juba
jimo,

Aye wajijile, “Anweba Nkambo, ngubilai
lusa!”

Aye walekekilwe bubi bwanji bonse, kabiji
wabikilwe mutende wazhika mukachi kanji;

Aye waambile mba, “Iyai mumone yuwe
Muntu wafuma ku Galileya.” (Ibyo.)

Bilema byaendele, bakamama baambile,

Abwa bulume bwaambiwe na butemwe pa
kalunga;

Bampofu bamwene, Nayuka mba kyakonsha
kwikalatu

Lusa lwa yewa Muntu wafuma ku Galileya.

²⁶⁴ Pashang’anyai kyokya na mwingilo leelo.

Awa mwanamukazhi ku mushima, Aye
wabulang’ene bubi bwanji bonse,

Banabalume faivi bo ajinga nabo pa kyokya
kimye.

Aye walekekilwe bubi bwanji bonse, kabiji
wabikilwe mutende wazhika mukachi kanji;

Wajijile, “Iyai mumone yuwe Muntu wafuma
ku Galileya!”

²⁶⁵ Mwanamukazhi, Aye wakonsha kuuba kintu kimo. Aye
watanga muchima obe lukeelo luno. Mwanamulume, Aye
watanga muchima wenu. Oo, musokeshi, twayai tulombe!

Oo, Natemwa yewa Muntu wafuma ku
Galileya, wafuma ku Galileya,

Mambo Aye wangubila byavula bingi.

Aye wandekela mambo ami onse, ne kubikamo
Mupashi Wazhila;

Oo, Natemwa, Natemwa yewa Muntu wafuma
ku Galileya.

²⁶⁶ Kechi mwakonsha ku Mutemwa, pamo ne amiwa, lukeelo luno? Oo, wayatu mungi, ndengamambo upitang'anatu, muno nangwa ko wakonsha kwikala, wakonsha kumutambula Nkambo yami lukeelo luno? Aye ye Kyambo, kabiji Kyambo kyaletwa kwi anweba. Kechi mwakonsha ku Muswa lukeelo luno nenyi? Mwakonsha kusutulako maboko enu nangwa kwimanako, nangwa kintu kimo, ne kulomba, ambai mba, "Amiwa nasaka ku mutambula Aye ponkapano. Mulongo, Amiwa mbeni kuswa. Amiwa nakeba ponkapano kumuswa Aye." Wakonsha kwimanako, muntu yense wakeba kulombelelwa, ne kwaamba mba, "Amiwa bano. . ." kulombelelwa, nangwa byonkabyo, "Amiwa ne ndengamambo. Nakeba. . ." Lesa emupeshe, mwane. Muntu mukwabo? Muntu yense alombenga pano, pa mineti umo.

Oo, mukijilamo banyama kala kene, (Kyajinga mulukatazho, mwayukatu, ntanda byo yajinga.) kabiji Nayuka mba kine byokiji, Awa Mwaana wamuचेचे wasemenwe mu kupulusha bantu ku bubu bwabo.

Kimye Yoano kyo Bamumwene kukitulu, Aye wajinga yewa Mwanamukoko myaka ne myaka, (Yenka Umotu ne leelo.)

Oo, Aye ye Kilishitu, Wapopelwe pa Kalvali.

²⁶⁷ Kechi mwakonsha ku mutemwa Aye leelo na muchima wenu yense ne, pakuuba mba mufume mu yuwe musango wa ntanda ye waikalamo? Anweba banabakazhi, anweba banabalume, oo, mwajikwikela ka muno kimye kyonse? Kimweshatu mba mujipo kintu kimo mukachi kenu, mujipo kintu kimo kyafwa zala ne kilaka. Obewa kechi wakonsha kwikala na maawala abiji nangwa asatu ne, kwikala mu kino kishimikwa bibye; pajipo kintu kimo. Kechi mwakonsha kwikiswa leelo nenyi? Lekai mafwashi ne saayasi, ne bintu byonse bya ntanda, bipite kufuma mu milanguluko yobe ponka pano, mulongo mutemwe nangwa nyenga mutemwe.

Bipwilo bibena kukwatakana, byaalo bikatampe bibena kwabana, Isalela ubena kubuka,

Biyukilo byo baambijile jimo bangauzhi; Moba aba Ngentila abalwa, apimwa kala; "Bwelai, Anweba basulwa, kuba kweenu."

Juba ja bukuzhi ja fwenya peepitu, Michima ya bantu ibena kupungila na moyo; Yuzhiwaimo na Mupashi, ikalai na malampi enu anengezhiwa ne kutoka, Talai peulu! Bukuzhi bwenu bujitu peepi.

Bangauzhi babubela babena kubepa, Bukine bwa Lesa babena kwibukaana, Amba Yesu yenka Kilishitu ye Lesa wetu.

268 Pano, akyo kyakine. Anweba mwayuka kyokyo, atweba bonse, juba jo tubena kwikalamo. Bino Aye waambile mba:

Kukekala Kyeya mukimye kya mabaanga,
Jishinda ja kuya ku Lukumo kine mukejitana.

269 Ajo jo juba jo tubena kwikalamo kino kimye. Akya kyeya kikasama pa mabaanga abufuku mfishi po ibena kwiya, mitetenga ya mabaanga abufuku, katala baja.

Mitetenga ya mabaanga abufuku ne katala
baja,

Kabiji kufuma popa ke fishi!
Kechi kwikale bulanda bwa kwishajikapo ne,
Kimye Amiwa kyo kankukuluka;

Mambo bonse babulabyo baji ku mupaka wa
kifulo ne kimye,

Kabiji muyulo ukatwala palepa,
Bino Amiwa mbena kukeba kumona Wendesha
kilungi ne kilungi

Byo Kakilang'anya bushiya.

Kechi mumbule ne, mu kubalwa kwa kujila,
Abwa bumi ke kiloto kyabulamo kintu!

Kabiji awa mweo wafwa ulala tulo,
Kabiji bintu kechi biji byo bimweka ne.

Ee, bumi bwa kine! Kabiji bumi ke luketekelo!
Kabiji kilende kechi po bwaimena ne;
Mambo obewa wilukungu, ne kulukungu ko
ukabwela,

Kechi kyaambiwa kya mweo ne.

Bumi bwa bantu bayakuwa bwituvulula
Kabiji twakonsha kutokeshwa bumi bwetu,
Kabiji, ngayo, isha panyuma yetu,
Kulu kwafwachika pa busenga bwa kimye;

Kulu kwafwachika, kapepo kukwabo,
Kimye bumi bwanema po ubena kupita pa
meema,

Mulongo wabula luketekelo lwakupuluka ne,
Pa kumona, muchima ukekajikwa jikwabo.

Twayai twimane, nanchi, ne kuuba,
Na muchima wankondo iji yonse;
Kwikala nobe kamama ne, ng'ombe
usendwatu!

Ikala kilobo mu nkondo!

270 Lesa Mutemwe, abo ke Benu. Namonapo banabalume babiji baimana, Taata. Nalomba, Lesa, amba Anweba musakwibasenda ponka pano. Babena kukeba kwikala baana Benu. Abo babuka ku bulubi bwa bumi bo baikalamo, kabiji pano babena kukeba kutatula jibiji, kulengwa kipya, na

lubatizhilo lwa Mupashi Wazhila pa yewa Lukunwa wabyalwa mu michima yabo jino juba. Lesa Wapeenape, aye Mulenga wa bintu byonse, Ao walengele Kyambo Kyenu, kabiji Naketekela mba Anweba mwayukile mba abo banabalume bakooba kikye lukeelo luno. Nalomba, Nkambo, namba Anweba musakutekezha akya Kyambo, mute ne bufuku, kabiji kechi muleke Satana amba ekifumyepo mu maboko Enu ne. Lekai kikale kichi akyo kimye kimo, mu Paladisa wakwa Lesa, byo kikabwezhiwa jibiji, mambo Kyambo Kyenu kechi kikakalwa ne, kikekala ne jikwabo. Mambo ino ntanda. . .

271 Kabiji kechi kukekalapo lupipu lwa bwikalo bwa bantu mu ntanda ikeya ne. Kechi kukekala myotoka nangwa kintu kimo akyo sayaasi kyo yauba ne. Kechi kukekala bintu bya yewa musango muntanda ikeya ne. Bino bukekala mu musango wanji Ayemwine Lesa abo bo akekajika mu bufumu bwa lukumo. Mambo, mu buno bwikalo muji misango, lufu, bulanda, bilende, kabiji ne byakubila. Pakuuba mu bobwa Bufumu bukeya, kechi mujipo lufu ne, kafwamo bulanda ne, kafwamo misongo ne, kafwamo kukota ne. Anweba Lesa, byonse bikekalatu bipya, mu musango wa bumuntu Bwenu.

272 Lesa, witwalulula leelo, monka mu bulume Bwenu, kupichila mu kusangululwa kwa milanguluko yenu, ne kufuma mu bintu bicheche bya mu inontanda, kuya ku Kyambo kya Lesa. Kabiji lekai tusangululwe monka mu bulume bwa Lesa bwa kwalululwa na Lukunwa uji mu michima yetu, byo twaketekela, mu bilengwa byatelwa mba baana babalume ne babakazhi ba kwa Lesa. Uno ye milombelo yami kwi Anweba, Taata, ya bantu, mu Jizhina ja Yesu. Amena.

273 Pano kwi anweba muji pa waileshi, konse ko muji, Nakeba mba anweba mutambule Kilishitu koko komuji, kwikala Mupulushi enu, kabiji ne kuyuzhiwamo na Mupashi Wanji. Abye Byambo byaambiya lukeelo luno, lekai Bifike mu muchima obe. Kabiji lekai mu mutambule Yesu. Kabiji mutajishe bumi bwenu, kabiji mukamone byo mukekala palutwe. Kabiji mutole Kisuso kya milanguluko ya muntu. Wimona obewa mwine na kuuba kintu kyapusanako na kikye Kyambo, fumaiko kwi akyo, bukiji bukiji. Mwamona? Mambo, kuji Kisuso kikanya lufu kwiya kwi obewa, akyo Kyambo kya Lesa. Byambo Byanji bo Bumi, kabiji Bikakulama kufuma kulufu.

274 Anweba bantu muji muno mu kishimikwa, Najinga nenu muno kimye kyabaya bingi. Amiwa ne musachila anweba pa kutanwako. Nalomba mba Lesa kechi usa kuleka yuwe Lukunwa kufwa ne. Naketekela mba anweba kechi mulanguluke mba Naimana kuno na kwamba bibye bintu mambotu akukeba kupusenamo ne. Ne byamba mambotu a butemwe; kabiji byo nayuka mba kimye kyo Kiji mumi, nobe byonka byo Nji pa kino kimye ne, kyo kyonka kimye kyo Nakonsha kusapwila ku bantu. Kabiji Namutemwa Yesu Kilishitu. Aye

ye Mupulushi wami. Kabiji vulukai, Nafwajilwe kwikala mumwe mu mukwakwa inge kechi kyajinga mambo a Aye ne. Nafwajilwe kwikala kookwa; basemi bami bonse, bantu bami bonse, bajinga bandengamambo. Pakuuba Lesa, na bulume Bwanji bwakwalulula, Nayuka bwandengele amiwa kwikala kilengwa kyapusanako. Kabiji Nakonsha—Nakonsha kwi mutundaika, kwikala bawama. kabiji kikemulama mu bimye bya makatazho. Nangwatu na lufu, luji pa kibelo, kechi uji na moyo ne. “Kafwako nangwa kimo kyakonsha kwitwabanya na butemwe bwa Lesa ne, abo buji mwi Kilishitu.” Lekai Lesa apeshe yense wa mwi anweba, ne kwimupa Bumi Bwapeenape.

²⁷⁵ Baanga muno babula kwikala na Lukunwa wa Lesa, lubatizhilo lwa Mupashi Wazhila? Mwakonsha kusutulako kuboko kobe, ne kwamba mba, “Uvulukepo, Mulongo Branham, amba Amiwa ntambule awa Mupashi Wazhila.” Pano bikai Kyambo mu—mu muchima obe, kabiji ne Kwikitabila. Pano inge anweba. . . Wakonsha kutala pe obewa. Yainga mukatale pa ngalashi, kabiji mwakonsha kumona po muji. Monai, mwakonsha kuyuka.

²⁷⁶ Mwaamba mba, “Kyawama, Amiwa kechi nakusutula kuboko kwami ne, mambo Naketekela mba Njinaji.”

²⁷⁷ Itajilai anweba bene mu katajilo, nanchi popo mwakonsha kumona ng’anyi mupashi ubena kwimujimbaika, mwamona. Milanguluko yajimbaikwa! “Kuji jishinda jimweka bulongo ku muntu, pakuuba mpelo yajo ke jishinda ja lufu.” Abyo ibyo nyi?

 Ponka pa musalabu pafwijile Mupulushi wami,
 Pankutokesha ku bubi Nkonajinjijile;
 Oo, konka ku muchima wami ko kwasumine
 Mashi;
 Lukumo . . .

²⁷⁸ Zhizhibalai, pa mineti umo, kabiji ne kumwimbila Aye. Twayai tusutule maboko etu.

 Lukumo ku Jizhina Janji! (Jizhina Janji
 jawama!)

 Lukumo ku Jizhina Janji!
 Konka ku muchima wami ko kwasumine
 Mashi;
 Lukumo ku Janji . . .

²⁷⁹ Nakeba mba anweba Benakilishitu imunai mu kuboko kwa mukwenu, wapuluka.

 Napuluka ku bubi konka lusa lwanji,
 Yesu ku buwame bwanji waikala mwi amiwa,
 Konka ku musalabu Aye ko ko atwezhezhe
 mukachi;
 Lukumo ku Jizhina Janji!
 Lukumo ku Jizhina Janji! (Jizhina Jawama!)

Lukumo ku Jizhina Janji!
 Oo, konka ku muchima wami ko kwasumine
 Mashi;
 Lukumo ku Jizhina Janji!

²⁸⁰ Aa Mashi aji na kakishi ka Bumi mwi Awo, mwayukatu.
 Akye ke kwiabo babula kumuyuka Aye:

Oo, iyai ku iye Nsulo ya bunoshi ne kutobala;
 Taya mweo obe kamulanda ku maulu a
 Mupulushi;
 Oo, twelamo leelo, wikale wapwijijika;
 Lukumo ku Jizhina Janji!
 Oo, lukumo ku . . .

Twayai tukunyike mitwe yetu byo tubena kumwimba.

Lukumo ku Jizhina Janji!
 Konka ku muchima wami ko kwasumine
 Mashi;
 Lukumo ku Jizhina Janji!

²⁸¹ Mwamutemwa Aye nyi? [Kipwilo kyaamba mba, “Amena.”—
 Waku.] Paulo waambile mba, “Amiwa nkemba mu Mupashi.
 Amiwa kapopwela mu Mupashi.” Twayai tumwimbe bintende
 bintende, na maboko etu asutulwa.

²⁸² Anweba mwayukatu, anweba bantu ba Kipentekosita,
 twataya lusekelo lwetu, twataya bya kumvwaumvwa ku mibiji
 yetu. Nobe byoka byaambile Billy Graham bufuku bukwapo,
 “Abo basapwishi, mateneshi afutuluka, kuya ku Kabeta
 kabulenge, na kupopwela maboko abo, kabiji ne kunyata
 panshi-ne-peulu pa mushiji, kabiji ne kuleka, bajinga na kintu
 kimo kibapelenga lusekelo.” Kyawama, ee, Njina Kintu kimo
 kyo Naikala nakyu nalusekelo. Mwamona? Mwamona? Ee. Ee,
 twataya ng’umvwino ya kumubiji.

²⁸³ Pano twayai tusutule maboko etu. Kechi musakamane na
 mipolo ne, kafwako nangwa kimo kyakonsha kukozha ne,
 mwamona. Akyo kechi kiko Zhang’ana ne. “Awa uya na kubyala,
 na mipolo, ukabwela ne jikwabo kwa kubula ne luzhinauko, na
 kukusa kunwa.” Kijitu bulongo.

Lukumo ku Jizhina Janji! (Jizhina Jawama!)
 Lukumo ku Jizhina Janji!
 Konka ku muchima wami ko kwasumine
 Mashi;
 Lukumo ku Jizhina Janji!
 Lukumo ku Janji. . . (Anweba Lesa! Atotwe
 Lesa!)
 Lukumo ku Jizhina Janji!

Ikajika Lukunwa, Nkambo, mu muchima!

. . . ku muchima wami ko kwasumine Mashi;

Lukumo ku Jizhina Janji! 

65-0911 Bulume Bwa Lesa Bwakwalulula
Ramada Inn
Phoenix, Arizona U.S.A.

KAONDE

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org